

星

證

論

千頂堂書局出版廣告

醫學津梁

每部定價四冊六角

此書乃明王肯堂先生著原名醫鏡崇禎間蔣氏刊行列入清四庫提要陸氏冷廬醫話言此書之難覓而此本又為康熙間名醫岳氏刪訂改名醫鏡刪補安縣志載入藝文其稿未刻至光緒間江浦陳珠泉先生得其手稿重加校訂特更今名今特從陳君處借得付印圈點悉照原書條分縷晰淺顯易知不特學醫者所必備抑居家衛生之寶笈也

中西

本天人合一之理以談醫

西醫

考脈絡臟腑之象以繪圖

粹醫

遵內經仲景之法以治病

採中西醫士之說而立論

（角六價定本四部每）

中西匯通醫書五種

十二本洋壹元五角

唐氏中西醫判

二本洋四角

唐氏中西六經方證通解

二本洋四角

校正類症治裁

八本洋壹元二角

百病辨證錄

八本洋壹元二角

巢氏百病源論

八本洋壹元

王孟英醫書五種

八本洋陸角

張子和儒門事親

六本洋壹元五角

張仲景全書

八本洋壹元

劉河間傷寒三六書

八本洋壹元

四川彭縣容川唐宗海著

癆瘵

癆瘵之證。咯血痰嗽。遺精瀉泄。潮熱盜汗。瘦削疲倦。夢與鬼交。或夢亡先喜見人過。常懷忿怨。平旦病減。午後病增。發熱心煩。口燥鼻乾。臉紅唇赤。骨蒸肺痿。咽痛失音。若瀉不止。則不治矣。其原得於酒色傷損。以及失血之後。瘵血鬱熱。化生癆蟲。蝕人臟腑之精血。變生諸般怪證。病人死後。蟲氣傳染家人。名曰傳尸。又名尸症。謂其自上注下。見證與前死之人相似故也。辨蟲之法。或腹中有塊。或腦後兩邊有小結核。或用乳香薰手背。以帛覆手心。良久手上出毛長寸許。白黃者可治。紅者稍難。青黑者死。若薰手無毛。非癆蟲證也。又或用真安息香。燒烟吸之。不嗽者非傳尸。烟入卽嗽。真傳尸也。癆蟲之形。或似蜣螂。或似紅絲馬尾。或似蝦蟆蝟鼠。或似鞠麩。或有足無頭。或有頭無足。或化精血歸於元氣之內。若傳至三人者。其蟲靈怪不可治。凡用藥治蟲。勿令病者知之。恐蟲覺悟。難取下也。

夫癆蟲何由而生哉。木必先腐。而後蟲生之。人身亦必先有瘀血。虛熱鬱蒸。乃生癆蟲。蟲者。風木之氣所化。人身肝主風。木又主藏血。肝臟之血。若有瘀積。是猶木之先腐也。於是肝臟之風氣。鬱遏蒸煽。將瘀血化生為蟲。既化為蟲。即從蟲治之。宜天靈蓋散治之。然天靈蓋不易得。且不宜用。可用川椒代之。或金蟾丸亦可。余每用乾漆。明雄川椒。棟根皮。白頸蚯蚓。升麻。鬱金。共為末。白湯五更時服。其蟲不吐。即下。義固取於殺蟲。而尤在乾漆鬱金。兼治瘀血。以癆蟲是瘀血所化。殺蟲是治其標。去瘀是治其本也。諸書但言殺蟲。而不知蟲之所自生。宜乎未得其治也。吾為指出。癆蟲是瘀血所化。治瘀血是治其本也。辨證錄用。移尸滅怪湯。治癆蟲傳尸。方以去瘀為主。故效。

癆蟲之生。由瘀血所化。而癆蟲既生。蝕人精血。人之正氣。日以消耗。不治其虛。但殺其蟲。病終不能愈也。月華丸主之。義取補虛。而去瘀殺蟲。兼施其治。乃萬全之策。鰻魚肉常食亦佳。或鰻魚骨。鼈甲。知母。山茱萸。柴胡。當歸。青黛。桃梟。為丸。人參湯下。亦攻補兼行之術。

又凡濕熱積痰皆能生蟲。與小兒疳蟲無異。用金蟾丸即愈。不比血化之蟲。靈怪難治也。

既殺蟲後。但當滋補其虛。陰虛者十居八九。瓊玉膏主之。加黃柏知母紫河車更佳。陽虛者十之二三。六君子湯主之。

效嗽

雜病效嗽。另有方書可查。未及備論。茲所論者。虛癆失血之效嗽也。失血家十有九效。所以然者。肺為華蓋。肺中常有津液。則肺葉腴潤。覆垂向下。將氣斂抑。使其氣下行。氣下則津液隨之而降。是以水津四布。水道通調。肝氣不逆。腎氣不浮。自無效嗽之病矣。血者火化之陰汁。津者氣化之水液。二者本相濟相養。水不濟火。則血傷。血不養氣。則水竭。水竭則津不潤。肺血傷。則火來剋金。金被火剋。不能行其制節。於是。在下之氣。始得逆上。氣既逆上。則水津不能隨氣下布。凝結為痰。在下之水邪。又得隨氣而升。泛為水飲。皆致效嗽。吾於效血門已詳論之。茲復條列如左。以便查核。

一肺臟津虛。大氣乘之。致成燥效。氣滄痰澀。或帶血絲。久成肺痿。清燥救肺湯治之。

一痰火凝結。效逆發渴。喉中痰滯者。由於津液不散。阻塞氣道。治宜清利其痰。滋養其津。紫菀散主之。

一水飲沖肺。效逆倚息。不得卧者。由於失血之人。肝經風火太盛。激動其水上衝肺。卧則肺葉張。水飲愈衝。是以不得卧息。葶藶大棗瀉肺湯治之。吾每用二陳湯治飲。加蘇子。柴胡。白芥子。黃芩。石膏。杏仁。荆芥。薄荷。枇杷葉。風火兼治。尤效。此與雜病效。嗽。因寒動水者有異。因寒動水。以致水飲衝肺者。宜小青龍。及真武湯。血證效嗽。多是內動風火。激水而上。青龍真武等。又其所忌。醫者辨之。

夫虛癆效嗽。原於火剋金。水乘肺。而切究其故。則病皆在於胃。胃為水穀之海。化生津血。血不足則火旺。津不生則肺燥。水氣不化。則飲邪上干。治胃火宜白虎湯。加生地。百合。五味子。或玉女煎。治胃痰宜滾痰丸。指迷茯苓丸。輕者用豁痰丸。治胃中水飲宜二陳湯。加蘇子。白芥子。防己。枳殼。杏仁。生薑。若水飲挾火者。加柴胡。黃芩。當歸。白芍。

內經云。五臟六府。皆有效嗽。而無不聚於胃。關於肺。上條分肺胃治已詳。茲有一方。

可以統治肺胃者則莫如小柴胡湯。肺火盛加麥冬。心火盛加黃連。當歸肝火盛加當歸。胡黃連黃昏效嗽。為火浮於肺。加五倍子。五味子。以斂之。五更效嗽。為食積之火。至寅時流入肺經。加萊菔子。痰凝氣滯者。加瓜蒌霜。旋覆花。杏仁。桔梗。射干。川貝母。水飲上衝者。加葶藶子。桑白皮。細辛。五味子。有寒加乾薑。雲茯苓。若兼外感發熱惡寒。鼻塞頭痛。而效嗽者。宜小柴胡湯。加荆芥。紫蘇。杏仁。薄荷。蓋小柴胡能通水津散鬱火。升清降濁。左宜右有。加減合法。則曲盡其妙。

又有痰血作效。其證效逆倚息而不能卧。與水飲衝肺之證相似。蓋人身氣道不可有塞滯。內有痰血。則阻碍氣道。不得升降。是以壅而為效。氣壅即水壅。氣即是水。故也。水壅即為痰飲。痰飲為痰血所阻。則益衝犯肺經。坐立則肺覆。痰血亦下墜。其氣道尚無大碍。故效亦不甚。卧則痰血翻轉。更為阻塞。肺葉又張。愈難斂戢。是以倚息不得卧也。若仍照水飲衝肺。用葶藶大棗湯。是得治飲之法。而未得治痰之法矣。須知痰水之壅。由痰血使然。但去痰血。則痰水自消。宜代抵當丸。加雲茯苓法。半夏。輕則用血府逐瘀湯。加葶藶蘇子。又有效嗽側卧一邊。翻身則效益甚者。諸書皆言側

卧一邊。乃失血欬嗽不治之證。而不知仍是瘀血為病。蓋瘀血偏著一邊。以一邊氣道通。一邊氣道塞。氣道通之半邊。可以側卧。氣道塞之半邊。側卧則更閉塞。是以翻身則愈加欬逆也。宜血府逐瘀湯。加杏仁五味子主之。側卧左邊者。以左邊有瘀血。故不得右卧也。右卧則瘀血翻動。益加壅塞。宜加青皮鼈甲莪朮。以去左邊之瘀血。側卧右邊者。以右邊有瘀血。故不得左卧也。宜加鬱金桑皮薑黃。以去右邊之瘀血。凡此瘀血欬嗽之證。諸書少言及者。朱丹溪略引其端。亦未申明。吾於臨證有悟。不惜大聲疾呼者。正欲起死人而肉白骨。豈敢秘而不傳哉。

又有衝氣欬逆者。以衝脈起於血海。循行而上。麗於陽明。血海受傷。則衝脈氣逆。上合陽明。而為火逆燥欬之證。麥門冬湯主之。玉女煎亦治之。二方皆從陽明。以抑衝氣之顛。使不逆也。

又有衝氣挾肝經相火。上乘肺金者。其證目眩口苦。噎欬數十聲不止。欬牽小腹作痛。發熱頰赤。宜四物湯。合左金丸。再加人尿猪膽汁。牡蠣五味治之。蓋血室為肝之所司。衝脈起於血室。故肝經之火。得緣衝氣而上。小柴胡湯。加五味子青皮龍骨牡

衝脈本屬肝經。然其標在陽明。而其根則在於腎。蓋衝脈起胞中。而腎氣即寄在胞中。腎中之氣。上於肺而為呼吸。亦借衝脈之路。以上循入肺。是以臍旁衝脈之穴。謂之氣街。內經又明言衝為氣街。衝脈之與腎經交合者如是。是以衝脈。每挾腎中之虛火。上逆而欬。喘促咽乾。兩額發赤。宜豬苓湯。加五味子。知母。牛膝。黃柏。熟地。龜版。或麥味地黃湯。以安之。三才湯。加鐵落。以鎮之。或大補陰丸。合磁硃丸。加五味。以吸衝氣。使歸於腎。則不效逆矣。又有胞中之水內動。衝氣挾水上逆而欬者。其證上熱下寒。龍雷火升。面赤浮腫。頭暈咽痛。發熱心悸。大便反滑。腰痛遺溺。桂苓甘草五味湯治之。腎氣丸亦治之。參看吐血欬血門更詳。

欬嗽之病。其標在肺。其本在腎。血家欬嗽。尤多生於腎虛。腎者氣之根也。腎經陰虛。則陽無所附。氣不歸根。故浮喘欬逆。宜三才湯。加五味子。沉香。陳脩園用二加龍骨。牡蠣湯。加阿膠。麥冬。五味子。其附子須少用。只作引道耳。余每用知柏地黃湯。少加五味子。肉桂。以為報使。常服都氣丸亦佳。又有腎經陽虛。不能化水。腰痛便短。氣喘

效逆者。腎氣丸。加五味治之。更有腎水乏上。脾土不制。而為水飲。欬嗽者。乃屬五飲雜病。非失血家應有之證。自有各書可查。茲不贅及。

發熱

吐血家。脈靜身涼。不藥可愈。以陰雖虧而陽猶不亢。陰與陽尚得其和。故易愈也。或身有微熱。皮毛似汗。此為陽來求陰。水來就血。亦可自愈。所謂發熱者。與身有微熱不同。

失血家。陽氣鬱於血分之中。則身熱鬱官。但頭汗出。身熱者。火閉於內。而不得達於外。故也。但頭汗出者。火性炎上。外有所束。則火不能四達。故愈炎上。而頭汗也。治法宜解其鬱。使徧身微汗。則氣達於外。而陽不乘陰。熱止血亦治矣。此如盛暑逼熱。得雨而解。小柴胡湯主之。

又有瘀血發熱者。瘀血在肌肉。則翕翕發熱。證象白虎。口渴心煩。支體刺痛。宜當歸補血湯。合甲己化土湯。加桃仁。紅花。柴胡。防風。知母。石膏。血府逐瘀湯亦治之。瘀血在肌腠。則寒熱往來。以肌腠為半表半裡。內陰外陽。互相勝復也。宜小柴胡湯。加當

歸白芍丹皮桃仁荊芥紅花治之。桃奴散加黃芩柴胡亦治之。瘀血在臍則血室主之。證見日晡潮熱晝日明了暮則譫語以衝為血海其脈麗於陽明故首陽明燥熱之證。桃仁承氣湯治之。小柴胡湯加桃仁丹皮白芍亦治之。瘀血在臟則肝主之以肝司血故也。證見骨蒸癆熱手足心燒眼目青黑毛髮摧折世以為難治之證。而不知瘀血在肝臟使然。宜柴胡清骨散加桃奴琥珀乾漆丹皮治之。

以上所論皆屬血家發熱之實證也。又有發熱之虛證分血虛水虛兩類。另條如左。血虛者發熱汗出以血不配氣則氣盛而外泄也。或夜則發熱以夜主血分故也。或寅卯時即發熱以寅卯屬少陽肝血既虛則少陽之相火當寅卯旺時而發熱。地骨皮散加柴胡青蒿胡黃連雲茯苓甘草治之。又或胞中之火因血不足上合陽明燥氣日晡潮熱者犀角地黃湯治之。

水虛者水為氣之所化水津不足則氣熱皮毛枯燥口咽生瘡遺精淋瀝午後發熱大補陰丸以補水濟火。或清燥救肺湯從肺胃以生水津。水足以濡血則陽氣不亢燥熱自除。五蒸湯亦統治之。

復有陰虛於內。陽浮於外。而發熱者。須大補其陰。而復納其陽。故產後發熱。用四物湯。加黑薑。失血發熱。亦可用之。火重者。再加苓連。若腎陰不足。真陽外浮。發熱喘促者。是為陰不戀陽。陽不入陰。宜從陰引陽。用二加龍骨湯。加五味子。麥門冬。阿膠。或三才湯。加鹽炒肉桂少許。桑葉。雲苓。白芍。蟲草。山茱萸。牛膝。五味子。知母。沉香。龜版。此外又有食積發熱者。手足心腹熱。胸滿噦呃。大便不調。日晡及夜發煩。宜枳殼厚朴。大黃。消去之。則不壅熱矣。勿謂虛人無實證也。

厥冷

雜病四支厥冷。為脾腎陽虛。不能達於四末。四逆湯主之。若失血之人。而亦間有發厥者。則多是熱邪內陷。伏匿在裡。外見假寒。身如冷水。目昏神暗。脈伏不見。或冷一陣。反而發熱。或厥數日。反發熱數日。其厥多熱少者。是陽極似陰。熱之至也。厥少熱深者。是伏熱猶得發洩。熱尚淺也。此即傷寒論厥陰篇。所謂熱深厥亦深。熱微厥亦微是矣。蓋厥陰肝經。內寄膽火。病則火伏陰中。而為厥。火出陽分。則反熱。發熱固是火甚。發厥則火伏於內。而更盛矣。先宜治其伏火。使火得發。轉厥為熱。次乃更清其

熱斯可愈耳。若誤認為雜病發厥而用熱藥，是促其命也。其辨法：雜病之厥，吐利不止，脈脫氣微，有寒無熱，伏火之厥，則厥後微露熱形，口不和，便不溏，小便不清，心中疼熱，煩躁不甯，惡明喜暗，渴欲得飲，吐衄隨厥而發，皆現真熱假寒之象。先以清化湯合升降散，攻其伏熱，或當歸蘆薈丸攻之，次以五蒸湯清之。厥止熱不退者，再用太補陰丸、地黃湯以滋陰。

發厥之證，又有寒閉於外而火不得發者，用仲景四逆散加荊芥、老連、枯苓，審其陽陷於內而不出者，白頭翁湯以清達之，升陽散火湯以溫發之，二方酌宜而行。血家發熱，固多是真熱假寒，然亦有真寒者，去血太多，氣隨血洩，以致中氣去而不旺，元氣損而不足，四支厥冷，不思飲食，大便溏瀉，此乃虛則生寒之證，法宜溫補十全大補湯、參附湯、養榮湯，隨宜用之。

寒熱

發熱惡寒，多是外感傷其榮衛，傷榮則寒，傷衛則熱。平人治法，須用麻桂發散，失血皆陰血大虧，不可再汗，以耗其氣分之水液，只可用小柴胡湯加荊芥防風紫蘇杏

仁薄荷前胡葛根等以和散之免犯仲景血家忌汗之戒也若不關外感係本身榮衛不和發為寒熱似瘧非瘧者不可作瘧治之只用小柴胡或逍遙散和其榮衛而愈又有瘀血作寒熱者其身必有刺痛之處血府逐瘀湯治之此與雜病寒熱有異醫者須知

出汗

汗者氣分之水也血虛則氣熱故蒸發其水而出為汗但頭汗出身不得汗者乃陽氣內鬱冒於上而為汗以小柴胡湯解其鬱則通身得汗而愈蒸蒸汗出者乃血虛氣盛沸溢為汗宜用白虎湯加當歸蒲黃蟲退治之手足澀澀汗出者以胃中或有瘀血食積四支為中洲之應火熱中結故應手足汗出也宜玉燭散加枳殼厚朴以攻之結去而汗自止矣睡中盜汗者睡則氣歸血分血不足則氣無所歸故氣泄而汗出宜當歸六黃湯治之或地骨皮散加棗仁知母茯苓五味子黃芪黃柏

以上所論皆失血家陰血內虛陽氣逼發之病亦有陰陽兩虛自汗盜汗者宜歸脾湯加麥冬五味子或當歸六黃湯加附子

又有大汗亡陽者在雜病亡陽則單屬陽虛失血家大汗亡陽則兼是陰虛陽無所附非大劑參附湯不能回陽繼用獨參湯養之而愈。

此論血家出汗與雜證出汗有別參看汗血發熱門更詳。

發渴

血虛則發渴。有瘀血則發渴。水虛亦發渴。

血虛發渴者。血為陰。氣為陽。血少則氣多。陽亢無陰汁以濡之。故欲飲水也。法宜補血。血足則氣不熱矣。聖愈湯加天冬花粉治之。或當歸補血湯加花粉苧麻根玉竹麥冬。

瘀血發渴者。以津液之生。其根出於腎水。水與血交會轉運皆在胞中。胞中有瘀血則氣為血阻。不得上升。水津因不能隨氣上布。但去下焦之瘀。則水津上布。而渴自止。小柴胡加丹皮桃仁治之。血府逐瘀湯亦治之。挾熱蓄血者。桃仁承氣湯治之。夾寒瘀滯者。溫經湯治之。

水虛發渴者。以肺胃之水津不足。是以引水自救。水津雖由水穀所化。而其氣實發

源於腎中。腎中天癸之水。至於胞中。循氣街。隨呼吸。而上於肺部。肺金司之。布達其氣。是以水津四布。口舌胃咽。皆有津液。而不渴也。若腎中之水不足。則不能升達上焦。是以渴欲引水。宜啟下焦之陰。以滋津液。地黄湯。加人參。麥冬。訶子。或左歸引。加兒茶。人參。玉竹。三才湯。加知母治之。夫水津雖生於腎。而實布於肺。又有腎中之水。津本足。而肺金鬱滯。不能散布。以致水結為痰。咽乾口渴。宜小柴胡湯。通上焦之滯。使肺氣通調。則水津四布矣。又曰。津液雖生於腎。布於肺。而實賴胃中水穀以滋其化源。胃中燥結。則津不生。三一承氣湯治之。胃中蘊熱。則津不生。玉泉散治之。胃經肌熱。則津液被灼。人參白虎湯治之。胃中虛熱。則津不生。麥冬養榮湯治之。上分三條。皆失血多有之證。與雜病消渴水停不化。津氣不升者不同。參看可也。水停不化。當用五苓真武等湯。

心煩

煩者。心不安也。心為火臟。化生血液。轉賴血液以養其火。故心字篆文。即是倒火。火降則心甯也。失血家亡血過多。心火失其滋養。故多發煩。火太甚者。舌上黑胎。夜不

能寐黃連阿膠湯主之。心中懊懷者。以火不得宣。故鬱而不樂也。宜梔子豉湯。加連翹。桔梗。大力。生地。遠志。老連。草。稍治之。若火不甚。而血太虛者。心中了戾不得。是為虛煩。歸脾湯。加硃砂。麥冬。炒梔子。治之。逍遙散。加龍骨。棗仁。亦治之。仲景酸棗仁湯。尤為治煩要藥。若煩而兼躁。手足妄動。此為虛中夾實。內有燥屎。必見二便不調。發熱口渴。脈數有力等證。在傷寒為承氣證。在失血家。須兼顧其虛。宜玉燭散。或用玉女煎。加元明粉。煩躁之極。循衣摸牀。小便利者。陰尚未盡。猶可救一二。小便不利。死不治矣。此與陰躁不同。陰躁不煩。而但躁。且必現陰寒。可據之證。須細辨之。

又有產後血虛。心煩短氣者。雖同是心煩。然產血下行。氣多虛脫。其血之虛。皆由於氣虛。故心煩而必兼短氣。宜歸脾湯。當歸補血湯。養榮湯等。以補氣者生血。而心煩自愈。至吐血家。則其氣上逆。多是氣實血虛。證見心煩。尤血不養心之甚者也。若再補其氣。則氣益甚。而血益虛。心愈不得其安矣。治宜補血清火。硃砂安神丸治之。須參看卧寐怔忡驚悸門。

卧寐 夢寐附

卧者。身着席。頭就枕之謂也。寐者。神返舍。息歸根之謂也。不得卧寐之證。雜病猶少。失血家往往有之。

不得卧有二證。一是胃病。一是肺病。

胃病不得卧者。陰虛則邪併於陽。煩躁不卧。此與傷寒論陽明篇微熱喘冒不得卧者。為胃有躁屎之義同。三一承氣湯治之。若無燥結。但係煩熱者。竹葉石膏湯。白虎湯治之。兼理血分。則宜用玉燭散。玉女煎。又有胃中宿食。脹悶不得卧者。越鞠丸。加山查。麥芽。萊菔子。蓋陽明主闔。和其胃氣。使得還其主闔之令。斯能卧矣。

肺病不得卧者。肺為華蓋。立則葉垂。卧則葉張。水飲衝肺。面目浮腫。欬逆倚息。卧則肺葉舉而氣益上。故欬而不得卧。葶藶大棗瀉肺湯。攻去其水。則得卧矣。或二陳湯加乾薑細辛五味子。溫利水飲亦可。若是火逆之氣。挾痰上衝者。則又宜水火兼瀉。痰甚者。消痰丸主之。火甚者。滾痰丸主之。平劑則宜二陳湯。加柴胡瓜蒌黃芩旋覆花杏仁薑汁竹瀝。保和湯亦治之。若無痰飲。但是火氣上衝者。其人晝日不效。卧則欬逆氣不得息。乃肺痿葉焦。卧則肺葉翹舉。氣隨上衝。倉效不已。宜清燥救肺湯。加

腎水不能上濟上焦衝氣逆上效不得卧者當從腎治之六味丸加參麥散再加牛膝以引氣下行加磁石以吸金氣使歸於根

不寐之證有二一是心病一是肝病

心病不寐者心藏神血虛火妄動則神不安煩而不寐仲景黃連阿膠湯主之陰虛痰擾神不安者猪苓湯治之一清火一利水蓋以心神不安非痰即火余每用硃砂安神丸加茯苓琥珀或用天王補心丹

肝病不寐者肝藏魂人寤則魂游於目寐則魂返於肝若陽浮於外魂不入肝則不寐其證並不煩躁清睡而不得寐宜斂其陽魂使入於肝二加龍骨湯加五味子棗仁阿膠治之又或肝經有痰擾其魂而不得寐者溫膽湯加棗仁治之肝經有火多夢難寐者酸棗仁湯治之或滑氏補肝散去獨活加巴戟四物湯加法夏棗仁蟲草龍骨夜合皮亦佳

又按魂雖藏於肝而晝遊於目目在面部乃肺胃之所司肺胃之氣擾而不靜亦能

格魂於外。使不得返也。宜生地黃白合麥冬知母枳殼五味子白芍甘草棗仁天花粉茯苓治之。人參清肺湯亦治之。又有虛悸恐怖不寐之證。仁熟散治之。思慮終夜不寐者。歸脾湯加五味治之。須參看怔忡煩悸門。

又有昏沉多睡之證。在雜病為邪入陰分。在失血虛癆。乃血脫之後。元氣不支。是以昏睡。如汗出氣喘。危急之候也。參附湯救之。寤屬陽。故不寤為陽虛。人參養榮湯亦治之。若身體沉重。倦怠嗜卧者。乃脾經有溼。平胃散加猪苓澤瀉治之。六君子湯加防己。薏苡仁。補中益氣湯亦治之。此論多睡。多是陽虛。然亦有膽經火甚。而多昏睡者。龍膽瀉肝湯治之。

夢乃魂魄役物。恍有所見之故也。魂為病。則夢女子花草神仙歡喜之事。酸棗仁湯治之。魄為病。則夢驚怪鬼物爭鬪之事。人參清肺湯加琥珀治之。夢中所見。即是魂魄。善魄惡。故魂夢多善。魄夢多惡。然魂魄之所主者神也。故安神為治夢要訣。益氣安神湯治之。又有癆蟲生夢。照癆蟲法治之。又有夢而遺精。詳遺精門。

再按。睡而惡明喜暗者。火邪也。側卧不得轉身者。少陽之樞機不利也。側卧一邊者。

喘息

人不喘息。則氣平靜。血何由隨之吐出哉。故失血家。未有不喘息者。有實喘。有虛喘。實喘之證有二。一是鬱閉。一是奔迫。鬱閉者。氣不達於外。而壅鬱於內也。失血家。陽來乘陰。此證為多。傷寒喘息者。用麻桂發之。血家忌汗。又忌升發。以動其血。與傷寒開鬱閉之法不同。宜小柴胡湯。加杏仁。以轉樞外達。使腠理通。榮衛和。斯達氣於外。不壅於內。而為喘矣。如果有外感閉束。不得不疎解者。宜香蘇引。加杏仁。桔苓甘草。或千金麥門冬湯。借麻黃以解外。而兼用清裏之藥。不致過汗。亡陰。乃為調劑得宜。奔迫者。上氣喘息。由於氣盛於下。而逆於上。失血家。火盛逼血。往往其氣粗賁。宜大瀉其火。火平則氣平。用厚朴枳殼大黃。使地道通。氣下瀉。則不上逆矣。若內有瘀血。氣道阻塞。不得升降而喘者。亦宜上三味。加當歸白芍。桃仁丹皮治之。若是痰氣阻塞者。清化丸主之。若小便閉者。下竅塞。故上竅壅也。宜五淋散。加防已枳殼杏仁桑白皮葶藶子。

虛喘亦有二證。一是肺虛。一是腎虛。肺虛作喘者。以肺居上焦。制節五臟。開竅於鼻。以通外氣。以斂內氣。血虛則火盛。津傷。肺葉痿而不下垂。故氣不得降。喘息鼻張。甚則鼻厥。若無關闌。乃肺痿之重證也。生津補肺。宜清燥救肺湯。兼治鬱火痰滯者。宜保和湯。或太平丸。吾謂肺葉下墜。宜兼用鎮斂之法。三才湯合生脈散。再加百合五倍子。白芨。花粉。杏仁。川貝。母鍾乳石。治之。又有喘息由於鼻室不通者。以肺中之火鬱閉鼻管。故氣并於口。而為喘也。太平丸加麝香。即是上通鼻竅之妙藥。與傷寒鼻塞有異。毋誤治也。

腎虛喘息者。以氣之根原於腎。失血家火甚水枯。不能化氣。是以氣短而喘。欬逆喘息。頰赤咽乾。宜大補陰丸。加牛膝五味。以潛降之。若是陰虛。陽無所附。氣不歸根者。地黃湯合生脈散。加磁石牛膝沉香。以滋納之。若小水不化。兼腰痛者。乃是腎中之陽不能化氣。宜腎氣丸治之。參附湯加五味茯苓亦可。

上係肺腎分治之法。如欲兼而治之。即從諸方化裁可也。此外如蘇子降香湯。四磨湯。皆肺腎兼治。但未能照顧血證。用者加須知減。

呃噦

久病聞呃為胃絕。須審脈證斷之。不得但據呃逆遂斷其死也。失血家氣不順利。多有呃逆新病。形實者為伏熱攻發。大性炎上。氣逆而呃。清熱導氣。宜三物湯。或柴胡梅連散。加枳殼枳榔。若膈間有痰閉滯者。宜滾痰丸。指迷茯苓丸。又有瘀血阻滯。而發呃者。必見刺痛逆滿之證。大柴胡湯。加桃仁丹皮蘇木治之。血府逐瘀湯亦治之。若久病發呃。形虛氣弱者。為胃中空虛。客氣動膈。所謂客即痰火氣也。治痰氣宜旋覆代赭石湯。或二陳湯。加丁香枳殼。治火氣宜玉女煎。加旋覆花赭石柿蒂。或用梅連散。加柿蒂枳殼五味子。俗治呃逆。但用丁香柿蒂。丁香性溫降痰。柿蒂性寒清火。二物騎牆之見。故多不效。須分寒熱用之。

噦者吐氣也。血家氣盛。此證最多。其治法與呃逆同。惟有傷食。胃中壅塞。而發噦者。宜越鞠丸。加旋覆花枳殼萊菔子。

以上皆治胃之法。而心氣不舒。亦有發呃噦者。常見人有抑鬱。心氣不暢。則胸中噎

間常如有物哽塞。時發噦呃。不得快利。治法當清其心。調其氣。宜二陳湯。加黃連。連翹。牛蒡子。桔梗。瓜蔓霜。當歸。川貝母。治之。餘詳痰飲門。

痰飲

痰飲之證。已詳於欬血。咯血。欬嗽諸條。茲因失血諸人。無不兼痰飲者。故更言之。不憚煩複。

痰飲者。水之所聚也。人身飲食之水。由口入。由膀胱出。肺氣布散之。脾氣滲利之。腎氣蒸化之。是以瀉而不留也。此水不留。則無飲邪矣。人身津液之水。生於腎中。寄居胞室。隨氣而上。布於肺經。是為津液。津液散布。則不凝結。而為痰矣。

上焦血虛火盛。則煉結津液。凝聚成痰。肺為之枯。欬逆發熱。稠粘滯塞。此由血虛不能養心。則心火亢甚。剋制肺金。津液不得散布。因凝結而為痰也。豁痰丸治之。二陳湯。加黃連。黃芩。柴胡。瓜蔓霜。亦治之。玉女煎。加茯苓。白前。旋覆花。或保和丸。以滋肺。胃為燥土。燥氣甚。則津結為痰。指迷茯苓丸主之。頑痰壅塞者。滾痰丸治之。

痰粘喉中。哽塞不下者。名梅核氣證。仲景用七氣湯。理氣除痰。血家病此。多兼鬱火。

宜指迷茯苓加甘草桔梗紫蘇香附子旋覆花薄荷射干瓜萹霜牛蒡子。余按咽中乃少陰脈所繞。心經火甚。往往結聚成痰。發為梅核。宜甘桔湯。加射干山梔子茯苓連翹薄荷。再用生半夏一大枚切片。醋煮三沸。去半夏入麝香少許。沖前藥服。又衝脈亦挾咽中。若是衝氣上逆。壅於咽中。而為梅核。必見頰赤氣喘等證。審其挾水飲而上者。桂苓甘草五味湯治之。審其挾痰火而上者。猪苓湯加梅粉瓜萹霜旋覆花治之。

夫痰為津液所凝。而津液之生原於腎。下焦血虛氣熱。津液不升。火沸為痰。猪苓湯地黃湯加川貝母五味子麥冬旋覆花欵冬花海粉牛膝白前龍骨牡蠣黃柏知母等藥。

飲由水氣停蓄。其責在於膀胱。若膀胱之水。因寒上泛。胸腹漉漉有聲。喉中潮響。欬哮喘吼等。此為土不治水。肺受其憊。通用二陳湯治之。六君子湯。真武湯。小青龍湯治之。

按夫血之人。由於陰虛火旺。少病寒飲者。即或欬吐漩水。審其脉滑數。心煩熱者。仍

是火盛水溢。火逆之至。是以水逆之甚也。其治法清火瀉水。兼而行之。宜葶藶大棗瀉肺湯。消化丸。及二陳湯。加苓連柴胡白前根。參看欬嗽諸條乃詳。

痞滿 積聚 癥瘕

心下為陽明之部分。乃心火宣布其化之地。君火之氣化血下行。隨衝脈以藏於肝。即從心下而起。腎水之陽化氣上行。隨衝脈以交於肺。由肺散布以達肌膚。亦從心下而出。蓋此地為陽明中土。乃水火血氣上下往來之都會也。火降血下。氣升水布。則此地廓然。設若火不降。則血不下。而滯於此矣。設若氣不布。則水不散。而結於此矣。觀傷寒論。治心下痞滿之證。用瀉心湯。以瀉火。用十棗湯。以瀉水。甘草瀉心湯。生薑瀉心湯。水火兼瀉。五苓散解水結。柴胡湯解火結。可知此地須水升火降。斯為既濟之形。設上火下水。阻於中宮。遂成天地否象。故名曰痞。血家火浮於上。與水不交。往往見痞滿之象。審係火氣不得下降者。瀉心湯治之。或加生附子。以開其痞。審係膀胱水中之陽。逆於心下。不得外出者。以小柴胡湯。轉其樞機。而水火皆通達矣。如水火交結。輕者為結胸。小結胸湯主之。重者為陷胸。大陷胸湯治之。若單是水氣結聚。

者。二陳湯。枳木丸治之。今醫但知停食痞滿。而不知痞滿之證。不一而足。此外尚有胸痺等證。皆未論列。茲所論者。乃失血家間有之證也。凡遇以上諸證。再能酌加當歸地黃川芎赤芍丹皮等。以照顧血證。斯為面面俱到。

又有積聚之證。或橫互心下。或盤踞腹中。此非凝痰。即是裹血。通以化滯丸主之。凝痰用清茶送下。裹血用醋酒送下。無論臍上臍下。左右兼治。又凡在臍下多是血積。抵當丸治之。

又有癥瘕見於臍下。或見或沒。為癥。常見不沒。為瘕。瘕宜膈下逐瘀湯。抵當丸。瘕宜橘核丸。

按痞滿者。胸膈間病。積聚者。大腹之病。徵瘕者。下焦之病。統以真人化鐵湯。加吳萸治之。統以逍遙散和之。另詳瘀血門。

腫脹

腫脹者。水病也。氣病也。失血家往往水腫氣腫。抑又何哉。蓋以血之與氣。水之與火。互相倚伏。是二是一。吾於水火血氣論。及調經去痰諸條。已言之。茲復不憚煩勞。曰。

氣即水也。血中有氣，即有水。故肌肉中有汗，口鼻中有津，胞中有水。是水與血原并行不悖。失血家，其血既病，則亦累及於水。水蓄胞中，則為尿結。水淫脾胃，則為脹滿。水浸皮膚，則為水腫。治法：皮膚水腫者，宜從肺治之。以肺主皮毛故也。肺為水之上原，肺氣行則水行。宜瀉白散，加杏仁、桔梗、紫蘇、茯苓。五皮飲亦治之。大腹脹滿者，宜從脾治之。補土利水，則水行而土敦。胃苓湯主之。六君子湯，加苡仁、防己，亦主之。胞中水結，小腹脹滿者，五苓散治之。猪苓湯亦治之。諸水又皆腎之所主，腎氣化，則上下內外之水俱化。宜六味地黃丸。

以上所舉之方，皆平劑也。醫者又須審別陰陽，隨加寒熱之品，乃能奏效。審其口渴，溺赤，喜涼脈數者，為陽水，則知柏苓連山梔石膏天冬麥冬，可加入。審其口和溺清，喜熱脈濡，為陰水，則桂附乾薑吳萸細辛，可加入。失血家陽水居多，陰水最少。醫者須臨時細審。

又有瘀血流注，亦發腫脹者。乃血變成水之證。此如女子胞水之變血，男子胞血之變精。瘡科血積之變膿也。血既變水，即從水治之。宜照上所舉諸方，分寒熱加減再

加琥珀三七當歸川芎桃奴蒲黃以兼理其血斯水與血源流俱治矣古稱婦人錯經而腫者為水化為血名曰水分經水閉絕而腫者為血化為水名曰血分其實治法總宜從水治之方證加減舉不外此也觀於婦人水分血分之說則知血家所以多腫脹者亦是水分血分之病也此與雜證水腫有別勿妄用舟車丸及消水聖愈湯等另詳血厥門。

怔忡

俗名心跳。心為火臟。無血以養之。則火氣衝動。是以心跳。安神丸清之。歸脾湯加麥冬五味子以補之。凡思慮過度。及失血家去血過多者。乃有此等虛證。否則多挾痰。痰宜細辨之。

心中有痰者。痰入心中。阻其心氣。是以心跳動不安。宜指迷茯苓丸。加遠志。菖蒲。黃連。川貝。母。棗。仁。當歸。治之。硃砂安神丸。加龍骨。遠志。金箔。牛黃。麝香。治之。

又有胃火強梁。上攻於心。而跳躍者。其心下如築牆然。聽之有聲。以手按其心下。復有氣來抵拒。此為心下有動氣。治宜大瀉心胃之火。火平則氣平也。瀉心湯主之。或

王女煎加枳殼厚朴代赭石旋覆花以降之。再加鬱金義朮以攻之。使血氣火三者皆平。自不強梁矣。

驚悸

悸者。懼怯之謂。心為君火。君火宣明。則不憂不懼。何悸之有。心火不足。則氣虛而悸。血不養心。則神浮而悸。仲景建中湯。治心氣虛悸。炙甘草湯。治心血不足而悸。今則以養榮湯代建中。以歸脾湯代炙甘草。一治氣虛。一治血虛。又有飲邪上干。水氣凌心。火畏水剋而悸者。桂苓甘朮湯治之。失血家多是氣血虛悸。水氣凌心者絕少。又曰正虛者。邪必湊之。凡是怔忡驚悸健忘慌忽一切。多是痰火沃心。擾其神明所致。統用金箔鎮心丸主之。

驚者。猝然恐惕之謂。肝與膽連。司相火。君火虛則悸。相火虛則驚。蓋人之膽壯則不驚。膽氣不壯。故發驚惕。桂枝龍骨牡蠣甘草湯治之。恐畏不敢獨卧者。虛之甚也。仁熟散治之。又凡膽經有痰。則膽火上越。此膽氣不得內守。所以驚也。溫膽湯加龍骨牛黃棗仁琥珀柴胡白芍治之。復有陽明火盛。惡聞人聲。聞木音則驚者。此內經所

謂氣升於陽故發驚狂者也。乃肝膽火脾土法宜大瀉陽明之火。柴胡湯治之。當歸盧薈丸亦治之。血家病驚多是陽明火盛。病虛驚者亦復不少。用以上諸方。須兼顧血證。以盡其化裁。勿執桂甘龍牡等湯。而不知宜忌也。

健忘

健忘者適然而忘其事。盡心力思量不來。凡所言行。往往不知首尾。病主心脾二經。蓋心之官則思。脾之官亦主思。此由思慮過多。心血耗散。而神不守舍。脾氣衰憊。而意不强。二者皆令人猝然忘事也。治法必先養其心血。理其脾氣。以凝神定志之劑。補之。亦當處以幽閒之地。使絕其思慮。則日漸以安也。歸脾湯主之。若心經火旺者。是火邪擾其心神。治宜清火甯心。天王補心丹治之。亦有痰涎留於心包。沃塞心竅。以致精神恍惚。凡事多不記憶者。宜溫膽湯。合金箔鎮心丸治之。硃砂安神丸。加龍骨。遠志。菖蒲。茯神。炒黃丹。亦治之。失血家心脾血虛。每易動痰生火。健忘之證尤多。又凡心有瘀血。亦令健忘。內經所謂血在下如狂。血在上喜忘是也。夫人之所以不忘者。神清故也。神為何物。即心中數點血液。湛然朗潤。故能照物。以為明。血在上則

濁蔽而不明矣。凡失血家猝得健忘者。每有瘀血。血府逐瘀湯。加鬱金。菖蒲。或硃砂安神丸。加桃仁。丹皮。鬱金。遠志。

恍惚 癲狂 見鬼

大病傷寒之後。欲食不食。欲卧不卧。欲行不行。精神恍惚。若有鬼神附其體中者。名曰百合病。謂百脉一宗。合致其病。肺主百脉。肺魄不甯。故病如此。諸多恍惚。未盡名狀。必見溺赤。脈數之證。乃肺金受剋之驗也。仲景用生地。百合。滑石治之。此專言雜病餘邪為患者也。失血家。陰脉受傷。凡是恍惚不甯。皆百合病之類。總宜清金定魄為主。清燥救肺湯。加百合。茯神。琥珀。滑石。生地。金箔治之。地魄湯亦治之。或瓊玉膏。加龍骨。羚羊角。百合。或人參清肺湯。加百合。滑石。

大凡夜夢不甯者。魂不安也。魂為陽。夜則魂藏而不用。魂不能藏。故夜夢不甯。寤時恍惚者。魄不安也。魄為陰。寤時而陰氣不足。故恍惚不定。治魂以肝為主。治魄以肺為主。二者對勘自明。然恍惚驚悸。惑亂怔忡。癲狂。皆是神不清明之證。人身有魂魄。而所以主是魂魄者。則神也。故凡諸證。總以安神為主。安神丸。金箔鎮心丸治之。

語言錯亂為癲。多由喪心失魄。痰迷心竅所致。統以金箔鎮心丹治之。愈者亦在。狂由於火邪逼迫。心神迷亂。四肢躁擾。滾痰丸治之。

見鬼者。癲狂之類也。陽明病。胃有燥屎。則目中見鬼。宜三一承氣湯下之。失血家。瘀血在內。亦譫語見鬼。以其同為實邪。故俱能擾目之明也。桃仁承氣湯治之。

暈痛

傷寒雜病。頭暈痛者。風寒也。血家暈痛。則多是痰火。誤用發散藥。鮮不增劇。

痰氣上攻。頭目沉重昏花。兀兀欲吐。首如裹物。右手脈實。陰雨增痛。是痰候也。二陳湯加防風川芎黃芩薄荷細辛石膏治之。病重者。消化丹治之。

火逆暈痛者。煩渴引飲。見火增劇。掉頭更痛。口苦嗑乾。溺赤便閉。左手脈數。是火診也。大柴胡湯治之。當歸蘆薈丸亦治之。輕則小柴胡湯加菊花。

以上所論。皆暈痛之實證。又有暈痛之虛證。須分量與痛之兩門。而後施治。有別也。肝虛則頭暈。內經云。諸風掉眩。皆屬於肝。肝血不足。則生風。風主動。故掉眩。失血之

人。血虛生風者多。逍遙散加川芎青箱子真枯草治之。或但滋肝臟。以為息風之本。

左歸飲加牛膝巴戟天杭菊花細辛枸杞。

腎虛則頭痛。內經所謂頭痛顛疾下虛上實。過在少陰是也。六味地黃丸加細辛蔥白麝香治之。若是腎厥頭痛。乃腎中濁陰上逆於頭上實下虛。手足厥冷。宜腎氣丸加細辛蔥白。此證之痛連齒入腦。與尋常微痛者不同。血家頭痛似此者少。宜用六味丸者多。

又曰。頭暈病雖是兩病。失血之人。往往兼見二證。由於血虛則風動而暈。火動而暈。吾謂不分暈痛。亦不分治。肝治腎。總以四物湯加元參枸杞肉蓯蓉玉竹天麻細辛。知母黃柏山茱萸牛膝。

眼目 目黃 出火 見鬼 昏花

眼為肝竅。又陽明脈絡所繞。故其為病。皆肝胃兩經之咎。

眼珠黃者。在胃經屬濕熱。甚則通身皆黃。小便必然不利。宜五苓散加茵陳梔子秦皮黃柏知母治之。在肝經是痰熱。仲景云。衄家目黃者。衄未止。是血中有熱故也。凡是血熱者。其目多黃。四物湯加柴胡黃芩丹皮蘇木茵陳紅花治之。目珠紅亦是痰

血治與上同。

目中出火者。一是胃火亢甚。必兼口渴身熱等證。犀角地黃湯。加石膏天花粉金銀花枳殼治之。一是肝火外越。必兼口苦耳鳴等證。當歸蘆薈丸治之。

目中見鬼者。一是胃有燥屎。目神昏花。三一承氣湯治之。一是肝經血室蓄有痰熱。夜則譫語。大柴胡湯。加桃仁牡丹皮治之。

目運者。肝之風火也。觀羊角風可悟。宜小柴胡湯。加當歸白芍防風菊花治之。眼花者。腎之陰虛。瞳神屬腎。客熱犯之。時見黑花。或成五色。宜地黃湯。加枸杞硃砂磁石肉蓯蓉石決明元參知母細辛治之。

又有陽虛血大吐後。目光散大不能見者。必小便多也。宜腎氣丸。以上所舉。皆血家間有之病。其餘目疾。非血家兼有者。不贅。

耳病

陳脩園曰。腎開竅於耳。而腎脈却不上頭。腎與心交。假道於心膈小腸之脈。以入耳中。名曰聽宮。為司聽之神所居。其形如珠。皮膜包裹真水。若真水破。而耳立聾。有為

大聲所震而聾者。皮膜破也。或聾或不聾者。心腎不交也。宜磁硃丸。以交心腎。有先耳鳴而後聾者。腎虛不能閉藏陰氣。室塞於陽竅也。宜六味丸。去丹皮。加磁石五味。龜板。令陰氣自盛於本宮。不觸於陽竅而愈。若外感暴聾。總不外少陽一經。足少陽膽脈繞耳輪。手少陽三焦脈入於耳。邪氣壅塞。聽宮為其所掩。宜逍遙散。去白朮。加黃芩半夏生薑竹黃羚羊角玉竹治之。風火交煽。宜防風通聖散。肝火職甚。宜當歸蘆薈丸。尺脈弱者。宜桂附地黃丸。尺脈數者。宜大補陰丸。俱加磁石萸蒲肉從蓉。神而明之。存乎其人。非筆楮所能盡。

按上陳脩園說最明。但又有久病之人。以及產婦中宮大虛。不能堵塞肝腎之氣。以致虛火上衝。而發耳鳴者。雖係膽與腎中之火。却要填補脾胃。以堵塞之。歸脾湯。加柴胡山梔子魚鱉蓮子五味子治之。四君湯。加蓮米芡實薏苡仁黃精白芍淮山藥。亦治之。

之氣皆見於此。口苦是膽熱。小柴胡湯。加黃連治之。口甘是脾熱。甲已化土湯。加天花粉。茵陳。蒿炒。梔子。茯苓。枳殼。厚朴。黃芩。石膏治之。口酸是濕熱。觀。天。羹。肉。過。夜。則酸。便知酸是濕熱。所化。葛根。黃連。黃芩。湯。加防己。茵陳。木通。滑石。花粉。雲苓治之。或蒼朮。黃柏。黃連。吳茱萸。亦治之。口鹹是脾濕。潤下作鹹。脾不化水。故鹹也。二陳湯。加旋覆花。藿香。白芍。檀香。吳茱萸。治之。胃苓湯亦治之。或六味地黃湯。加旋覆花。牛膝。白前根。從腎中化水。納之下行。以隔治之。口淡是胃虛。六君湯。隨寒熱。加減治之。口澀是風熱。通聖散。去芒硝。大黃治之。口麻是血虛。聖愈湯。加薄荷治之。口臭是食積之火。平胃散。加山查。神麩。麥芽。黃芩。石膏治之。口中糜爛。是膀胱遺熱於小腸。熱氣不得下泄。故糜及於口。導赤散。加天花粉。天門冬。麥門冬。金銀花。燈心。車前子。梔子。治之。喉腥是肺火。疾滯。瀉白散。合甘桔湯。再加射干。馬兜鈴。黃芩。杏仁。川貝。貝。天冬。麥冬。百合。瓜。薑。霜。治之。總而論之。口乃胃之門戶。總以治胃為主。宜分舌熱。用甘露飲。平胃散。加減治之。

舌為心之苗。而居口中。臟腑之氣。發見於口者。多着於舌。故即舌胎。可以診知臟腑。

諸病。傷寒邪在表者。舌無胎。在半表半裏者。舌乃有胎。入裏則胎結矣。故凡有胎。皆係內證。胎白為濕熱。小柴胡湯。加花粉石膏滑石木通治之。胎黃為燥熱。犀角地黄湯。加知母石膏天花粉大黃枳殼治之。黑胎芒刺為實熱。大承氣湯治之。若胎黑而舌滑潤者。乃水極似火。真寒假熱之證。四逆湯。加猪膽汁人尿葱白治之。血家虛火。又宜地黄湯。加肉桂牛膝五味子龍骨。以引導之。

又凡舌腫舌裂痛瘡等證。均是心脾火毒。瀉心湯治之。大清涼散亦治之。若舌根本強。或舌短縮者。皆是少陰經風邪內動。陰火上騰之候。地黄飲子。加羚羊角治之。上所論口舌諸證。血家間亦有之。要宜以血證為主。參以上各法。斯為本末兼權之術。

咽喉

咽喉為肺之關。胃之門。少陰心脈之所絡。肝經衝脈之所夾。凡此四經。皆血之所司也。故失血家。往往有咽痛之證。凡咽痛而聲不清利者。為肺火。肺主氣。氣管中痛。故聲不清利。甘桔湯。加馬兜鈴黃芩杏仁貝母黃連麥冬百合薄荷治之。凡咽痛而

飲食不利者胃火也。胃上口為食管，食管痛故飲食不利。白虎湯加金銀花、大黃、桔梗、枳殼治之。咽喉作痛而上氣頰赤者，肝經衝脈逆上之火也。宜玉女煎加旋覆花、射干。再用鹽炒安桂少許以引火下行。喉中塞腫及潰爛，皆是少陰心經之火。宜瀉心湯加豆根、牛蒡子、桔梗、甘草、薄荷、細辛、膽南星、牛黃治之。腫塞者外用人瓜甲、雞內金。急性子、全蝎、合巴豆炒過去巴豆，再加火硝、礞砂、冰片、膽礬、青黛、黃連、枯礬吹上。吐痰血即愈。潰爛者外用雄黃、黃連、珍珠、桑螵蛸、寒水石、牛黃、礞砂、麝香吹之。又有梅核證，在痰飲門參看。

再按血家咽痛，多是肺胃虛火。及衝脈火逆，吾於欬嗽諸條言之甚詳。癆蟲蝕咽，見聲音門宜參滙。

聲音

失血家初病失音，多是風火。聲音者肺之所主，肺金清朗則聲音顯明。失血家肺金陰虛，為火所剋，肺竅不通，鼻塞聲閉。若係外感閉其氣者，宜小柴胡湯加杏仁、桔梗、荊芥、薄荷治之。若是肺中實熱，壅遏其竅而聲音閉者，人參瀉肺湯治之。又有津液

乾枯肺痿葉焦聲音嘶小者乃失血之虛弱證人參清肺湯清燥救肺湯治之常用
白密川貝母人參胡桃百合蒸服又有癆蟲居於肺間嚙壞肺臟金蝕不鳴喉中癢
欬喘熱難已此為癆瘵難治之證宜百部人參明雄獼爪白芨百合蠶砂麝香桔梗
甘草獼肝鰻魚骨治之又凡癆瘵而咽喉破爛者均在不治總宜上方外用珍珠人
參牛黃明雄吹之

夫聲音者氣所從出也氣根於腎故聲音之出實由腎生氣不歸元則欬愈甚氣愈
乏而聲愈乾宜以都氣丸主之加人參沉香訶子腎氣丸亦治之

腹痛

血家腹痛多是瘀血另詳瘀血門然亦有氣痛者以失血之人氣先不和是以血不
平而吐衄但血家氣痛與雜病氣痛有別雜病氣痛則痛之甚血家氣痛不大甚但
覺胸腹之中不得和暢有鬱滯結聚之形宜逍遙散加薑黃香附子枳榔天台烏藥
治之再參瘀血痞滿門更詳

痺痛

身體不仁。四支疼痛。今名痛風。古曰痺證。虛人感受外風。客於脈分。則為血痺。仲景用黃芪五物湯。以桂枝入血分。行風最效。失血家血脈既虛。往往感受外風。發為痺痛。或游走不定。或滯着一處。宜黃芪五物湯。重加當歸。丹皮。紅花。如血虛火旺之人。風中兼火。外見痺證。內見便短。脈數口渴等證。則不宜桂枝之辛溫。宜四物湯加防風。柴胡。黃芩。丹皮。血通。秦艽。續斷。羚羊角。桑寄生。玉竹。麥冬。治之。血虛生風。往往而然。當歸。紅花。荆芥。酒水煎服。

瘀血竄走四支。亦發疼痛。證似血痺。惟瘀血之痛。多如錐刺。脈不浮。不拘急。此畧不同。另詳瘀血門。

又有周痺。脚氣。痰濕走注者。皆係雜證。此不具論。

痿廢

痿者。足廢不能行之謂。分五痿。治之心氣熱則脉痿。筋縱而不任地。天王補心丹。加丹皮。治之。肝氣熱為筋痿。則筋急而攣。四物湯加羚羊角。續斷。山茱萸。黃柏。地骨皮。治之。脾氣熱為肉痿。胃乾而渴。肌肉不仁。四物湯加人參。山藥。黃芩。黃柏。澤瀉。雲苓。

治之。腎氣熱則骨痿。腰脊不舉。地黃湯。及大補陰丸治之。肺氣熱則津痿。不能灌溉於足。疲茶不行。清燥救肺湯治之。以上治法。雖分五臟。而總係陰虛熱灼。筋骨不用之所致。欲熱之退。莫如滋陰。欲陰之生。莫如獨取陽明。陽明者。五臟六腑之海。主潤宗筋。宗筋主束骨而利機關。陽明虛則宗筋縱。帶脉不引。故足痿不用也。宜瓊玉膏。加玉竹。煨石膏。石斛。花粉。珍珠。竹茹。治之。玉女煎。加犀角。亦治之。然痿廢之原。雖在於胃。而其病之發見。則在於筋骨。凡虎骨。龜版。鹿筋。豬脊。髓牛骨髓。狗脊。骨碎。補牛膝。以仁。枸杞子。兔絲子。續斷。皆可加入。以為嚮導。

遺精

世謂上吐血。下遺精。其病不治。謂其上逆下竭。立見消耗也。然病此者。但未沉入。猶可圖治。蓋遺精失血。雖是兩病。其實一而已矣。精者腎中陽氣所化。乃天一所生之癸水也。女子十四。則癸水至於胞中。而衝任兩脉。即通。將心火所化之血。轉輸入胞。與癸水交合。水從血化。是為月信。男子十六。則癸水亦至於胞中。而衝任兩脉。亦輸

血入於其氣水合血從水化是之謂精胞者精之舍即血之室也吐血者是胞中血分之病遺精者是胞中水分之病血與水上下內外皆相濟而行吾已言之屢矣故病血者未嘗不病水病水者亦未嘗不病血也是以吐血多兼痰飲瘀血亦變水腫淋瀝亦有下鮮血者以血與水原相倚伏耳精者水之所化遺精者水病也而又吐衄是血亦病也先吐血而後遺精是血病累及於水先遺精而後吐血是水病累及於血治法無論先後總以治肝為主胞宮乃肝之所司精與血皆藏於此治血者必治胞治精者亦必治胞胞為肝所司故皆以治肝為主肝寄相火氣主疎泄火熾氣盛則上吐血而下遺精地骨皮散加柴胡胡黃連知母黃柏牡蠣龍骨茯苓蒲黃血餘治之丹梔逍遙散加阿膠龍骨牡蠣蒲黃以平之吐血甚而遺精輕者以治吐血為主生地黃散加金櫻子牡蠣治之遺精甚而吐血輕者以遺精為主地黃湯加血龍骨牡蠣治之

仲景治遺精有用天雄附子法腎氣不納心火不下交於腎有用肉桂法皆陽虛之證也若失血家則多是火遺即心腎不交亦是水不濟火其為夢遺十之八九蓋肝

經火旺則魂不內守。恍惚有見。亦有無夢而遺。仍屬相火之甚者。火甚則神不清。是以昏沉迷悶。不覺精之走失。此較有夢而遺者。其大更甚。毋得誤認為陽虛之證也。大補陰丸。加生棗仁牡蠣龍骨茯神治之。若氣不攝精者。其人必見虛寒之狀。不徒以有夢無夢為別也。

淋濁

淋者小便短數。淋瀝不通之謂也。單病此者。自有諸書可考。血家病此。特其兼見者耳。然二便為消息之門戶。若一閉塞。則上中焦不得消息。故傷寒論有言急下者。有言當利其小便者。有言有小便則生。無小便則死者。無一不吃緊於此。此水病也。水與血相為倚伏。吾已言之屢屢。單病血。不病水者。易愈。以水調。則其血雖病。猶有水以濡之也。若病血。而又累及於水。則上而喘欬。外而腫熱。下而淋濁。均不能免。水病則無以濡血。而血證亦因以難愈矣。吾於尿血腫欬諸條。已詳言之。可以參看。

血家病淋。多是肺痿。肺主制節。下調水道。肺則津液不流。氣不得下。而制節不達於洲。都是以小便不利。宜生地百合天花粉知母杏仁桑白皮滑石桔梗猪苓阿膠甘

草楮治之。

血家血虛火旺。心遺熱於小腸。不能泌別清濁。則小便赤短淋瀝。導赤飲加炒梔子。車前子黃連白芍燈心。

脾土不化。亦能壅濕。使小水不利。五苓散治之。濕中挾熱者。去桂。加茵陳蒿防己。黃柏炒梔子。

前陰屬肝。肝火怒動。莖中不利。甚則割痛。或兼血淋。宜龍膽瀉肝湯。加肉蓯蓉。或地黃湯。加肉蓯蓉黃柏車前子治之。若血淋。則加地榆蒲黃。

腎為水臟。膀胱為水府。腎中陰虛。水源枯竭。則小便不化。知柏地黃湯。少加肉桂以反佐之。若是陽虛不能化水者。金匱腎氣丸治之。

以上分別臟腑施治。即三焦為決瀆之義也。陳脩園用五淋散。統治三焦。吾謂不如分別上中下。而又各區臟腑以施治。尤為精細。

濁者小水不清。或白或黃。或青或赤。此如暑天洪水泥潦之類。乃濕熱為之也。溼甚用胃苓湯。加黃芩黃連黃柏白芍治之。熱甚用茵陳蒿梔子黃柏秦皮木通車前子。

防己甘草梢治之。

又有敗精為濁者。或由思淫不遂。或由淫而精停。宜萹蓂分清飲。加鹿角屑桑螵蛸白芍肉苁蓉治之。

又有中氣虛弱。小便滴在地上。即變色者。宜六君子歸脾湯治之。

便閉

二便皆脾胃之出路。小便是清道屬氣。大腸是濁道屬血。失血家血虛便燥。尤其應得。四物湯加麻仁主之。血燥者加桃仁酒軍。氣燥者加杏仁枳殼。風燥者加皂角仁白芷防風。火燥者宜加枳殼厚朴大黃芒硝。

大腸乃胃之關門。胃為燥土。若胃有燥屎而不下者。其責不在大腸而在胃。其證口渴。手足潮熱。或發譫語。三一承氣湯下之。或四物湯加麻仁枳殼厚朴大黃以滋降之。

又小便數而不禁。大便反閉者。名為脾約。謂脾津下泄。無以潤腸故也。仲景用脾約丸治之。丹溪謂宜清肺。肺清則小水有制。而脾得灌溉。宜用清燥救肺湯治之。

脾胃氣水二陰用虛陰不足無以潤腸者宜左歸飲加黑芝麻肉從容治之
肺與大腸相表裏肺遺熱於大腸則便秘結肺津不潤則便秘肺氣不降則便秘肺遺
熱者人參瀉肺湯治之肺津不潤者清燥救肺湯治之肺氣不降者清燥救肺湯合
四磨湯再重加杏仁或少加葶藶子治之與便血條合看自明
此外又有瘀血閉結之證或失血之後血積未去或跌打損傷內有瘀血停積不行
大便閉結或時通利仍不多下所下之糞又帶黑色腹中時時刺痛口渴發熱脈帶
澀象宜用桃仁承氣湯治之或失笑散加杏仁桃仁當歸白芍

瀉泄

失血虛癆最忌瀉泄以脾胃敗壞不能任藥且少納穀胃氣將絕故也雜病瀉泄用
參朮薑苓應手取效此則薑朮補胃轉傷其陰下咽之後立見喘熱竟成枯骨矣然
使用滋陰之藥則脾已瀉泄益陰則愈動其瀉勢必土崩不救矣病至此者吾莫如
之何也已擬用黃土湯作調停之計效否不敢必也

以上所論乃虛極胃將絕之瀉也如非胃氣將絕之瀉便當按證治之毋得誤斷其

死以恐駭病人。

濕瀉者。如水傾下。腸鳴身重。其腹不痛。胃苓湯主之。

風泄者。大便不聚。或帶清血。八珍湯。加粉葛丹皮防風白芷。

寒泄者。腹中切痛。雷鳴鴨漉。下利清白色。附子理中湯主之。六君子湯。加薑附亦治之。

暑泄者。煩渴尿赤。暴瀉如水。越鞠丸。加香茹粉葛根連翹車前子牛蒡子白芍黃連。扁豆枳殼厚朴生薑藿香。

飡泄者。米穀不化。香炒六君子治之。此與暴注完穀。為肺氣迫下者不同。暴注則水與穀。食入即下。為熱迫。三一承氣湯。

食積泄者。瀉後痛減。臭如抱壞雞子。噫氣作酸。失血虛人。停食作瀉者尤多。宜逍遙散。或小柴胡湯。加山查神麩麥芽萊菔子治之。越鞠丸。平胃散皆治之。

又有泄血泄痢者。另詳便血門。

又有腎泄。五更作泄。一名晨泄。乃色慾過度。足冷氣虛所致。宜四君子湯。加熟地黃。

枸杞子兔絲子巴戟天杜仲破故紙肉豆蔻五味子山茱萸治之豬腎一枚加故紙小茴香青鹽燒服亦可。

飲食

水穀入胃。其濁者為渣滓。下出幽門。達大小腸。而為糞。以出於穀道。其清者。倏然而化。依脾氣而上升於肺。其至清而至精者。由肺而灌溉乎四體。為汗液津唾。助血脈。益氣力。為生生不息之運用也。其清中之濁者。下入膀胱而為溺。此虞天民醫學正傳所論。其言水穀消化之道甚明。故全錄之。凡食不化者。責之於脾。六君子湯主之。水不化者。責之於肺。二陳湯加防己桑皮桔梗木通治之。消渴者肺火也。甘露飲加花粉治之。消穀者胃火也。白虎湯加黃連人參枳殼厚朴生地黃治之。飲一澣二為下消。腎虛也。腎氣丸主之。食入即吐。為火逆。瀉心湯加生薑竹瀝治之。但用水嗽口。而不欲飲者。多是經脈中有瘀血。宜四物湯加紅花血通乾漆冰片蔥白桃仁治之。食入良久。翻胃吐出。或不化而飧泄者。為脾不磨食。六君子湯加肉豆蔻破故紙吳茱萸五味子治之。

夫人之所以能化食思食者。全賴胃中之津液。吾於總論已詳言之。有津液則能化食。能納食。無津液則食停不化。觀停食病。食入反吐。莫如羊屎可知。無津液則食不能化之故矣。觀噤口痢。咽乾津竭。食不得下。可知無津液。則食不能納之故矣。痢證噤口者。另詳便血門。膈食不化。以及血虛津枯。不思飲食者。宜用左歸飲。加天花粉。人參。玉竹。黨參。蓮米。白芍。芝麻。治之。

一凡平人內傷飲食。多是中寒洞泄。治宜理中湯。平胃散。以溫燥之。若失血之人。內傷飲食。則反多壅實生熱之證。往往手足潮熱。口乾氣逆。衝脈作效。若用溫燥之藥。不惟飲食不化。且更加壅熱矣。用小柴胡湯。加枳殼。厚朴。大黃。輕則加萊菔子。麥芽。越鞠丸。加減亦治之。

感冒

血家最忌感冒。以陰血受傷。不可發汗故也。然血家又易感冒。以人身衛外之氣。生於太陽膀胱。而散布於肺。血家肺陰不足。壯火食氣。不能散達於外。故衛氣虛索。易召外邪。偶有感冒。即為頭痛寒熱身痛等證。若照常人治法。而用麻桂羌獨。愈傷肺。

津肺氣益索而不能達。不惟涸血分之陰。愈以助氣分之邪矣。治惟和解一法。為能補正祛邪。宜先生其津。使津足而火不食氣。則肺氣能達於皮毛。而衛氣充矣。次宜疎理其氣。使血分不致留邪為患。而外邪自解矣。宜小柴胡湯。加杏仁。荆芥。防風。紫蘇。主之。口渴加花粉。去半夏。身痛加粉葛根。內動痰火者。再加茯苓。旋覆花。內動寒水者。另用蘇子降氣湯治之。

外感風寒。客於肺中。外證已退。久效不愈者。失血家往往有之。宜千金麥門冬湯。其麻黃搗茸。蜜炙。變峻為緩。以搜陳寒。寒客肺中。久則變而為熱。故用此方。或小柴胡加蘇子薄荷細辛。亦與麥門冬湯彷彿。

感冒甚重。傳變為熱者。宜照傷寒法治之。清熱攻裏。可以任量。惟失血家不得輕用吐法。戒之。

失血之人。有狀似感冒。而實非感冒者。由於肺痿氣虛。時時洒淅惡寒。鼻塞流清涕。乃金被火剋。內壅外閉。衛氣不布之故。只宜清養肺金。毋得妄用發散。以張火猷也。太平丸補散兼行。以治之。千金麥門冬湯。小柴胡湯。皆宜。小柴胡湯通上焦之津液。

以調和榮衛。尤平穩而神奇。

瘧掣 拘急

瘧者角弓反張。掣者手足抽扯。拘急者頭勾足局。肘膝相構。傷寒中風。凡遇此等。分三面治之。失血家亦宜分三面施治。而用藥畧有不同。肩列如左。

角弓反張者。太陽經病也。無汗用葛根湯。有汗用桂枝加葛根湯。血家病此。多是血燥生風。筋灼而攣。麻桂皆其所忌。前方不中與也。宜四物湯加葛根。防風。荆芥。獨活。羚羊。桑寄生。續斷。杏仁治之。

手足抽掣。口目斜引者。少陽經病也。傷寒中風。用大秦朮湯。此方風藥雖多。尚兼滋補。血家病此。亦可借用。再加阿膠。羚羊。角。人參。天花粉。以柔潤熄風。則與血家更宜。面前拘急。屬陽明經。傷寒中風。得此者。三一承氣湯治之。血家得此。為陽明津液大虛。筋為之縮。法宜大生津液。玉女煎。加天花粉。玉竹。葛根。竹茹。人參。麥門冬。白芍。枳殼治之。

又曰。肝主筋。肝病則驚駭。筋攣。今且不必縷分。總以治肝為主。四物湯加羚羊。角。酸。

此乃血家發瘧之治法。非通治諸瘧之法。讀者須知。

暑疫

暑者。濕熱合氣之謂也。熱蒸則濕動。濕鬱則熱遏。濕熱合化。是為暑氣。月令所謂土潤溽暑。此之謂矣。熱甚則心煩口渴。脈數溺赤。濕甚則泄痢腫滿。喘急閉悶。病狀不一。總係熱濕二氣而已。血家陰虛濕熱之邪。尤易感受。宜統以大清涼飲治之。濕甚者。再加防己。雖不能盡暑之治法。然本此方以推廣之。可以得變通之妙。

又有陰暑。實非暑也。乃夏月伏陰內動之寒症。毋循名而失實。疫者四時不正。惡戾臭穢之氣。觸人為病。病氣又能傳染。是名曰疫。沉冬則無。夏秋常有。其氣觸人。皆從口鼻而入。內伏臟腑之中。發作則狀熱頭痛。變瘧動痢。狂躁腫急。不一其形。雖有外證。不得發表。但解其裏。則表氣自和。清溫敗毒。飲加酒大黃治之。血家陰虛。疫邪易發。故並言之。另有瘟疫專書。詳明者多。宜細查閱。此第舉其大意耳。

食復

失血家。胃氣清和。津液自生。火自降。痰自順。而病亦自愈矣。若傷飲食。則中宮壅滯。氣與火不得順利。上衝於肺。則為欬嗽。外蒸肌肉。則發熱。內鬱於心。則為煩。由是血不得甯。因之復發。名為食復。宜甲己化土湯。加枳殼厚朴炒梔子麥芽為主。欬者加紫苑麥冬五味子杏仁。發熱者加石膏知母。心煩者加黃連當歸。腹痛者加酒大黃。已動血者加桃仁蘇木。或用逍遙散。照上加減法。亦調和胃氣之善方。小柴胡湯亦可。

仲景治食復。言有宿食者。皆主芍藥大黃。義取二物。力能推盪。蓋宿食不去。不獨阻新食之進。且傷氣壅邪。轉生諸疾。故主大黃以速去之。以免傷其正氣。勝查麩之功。千萬醫者須知此理。臨證庶有膽識。

夫失血之人。所以易於停食者。多是胃中有熱。貪多飲食。既食之後。脾津枯少。不能糜爛消化。是以易於停食。宜四君子湯。加黃精山藥玉竹天花粉麥芽白芍生地黃枸杞子當歸麥冬山查羅服汁煎服。此等治法。但讀東垣脾胃論者。斷不能知。

勞復 怒復

青見平而生陰動則氣躁而生陽煩熱喘效隨之而作失血病因勞動而復發者十之五六。亟宜調息瞑目。以收斂浮動之氣。使陰生陽秘。而血乃不復動矣。人參固本湯。加蒲黃蘇木治之。煩熱甚者。宜用地骨皮散。加炒梔子蒲黃。喘效甚者。宜人參清肺湯治之。或三才湯。加五味子雲茯苓沉香甘草。清燥救肺湯亦治之。血復止後。多飲獨參湯。熟睡以息之。

怒復者。怒氣傷肝。相火暴發。而血因奮興。當歸蘆薈丸以瀉之。龍膽瀉肝湯以清之。丹梔逍遙散以和之。小柴胡湯。加牡蠣青皮以抑之。血潮不止者。瀉心湯。加當歸白芍沉香香附子降真香以止之。十灰散。用香附子檳榔童便醋調服以止之。去血過多。則陰愈傷。陽愈亢。怒氣愈不能平。宜當歸人參沉香香附子生地黃五味子。以大補之。少與之食。以消息之。

總之。失血之人。戒勞更要戒怒。醫學考辨。有戒怒詩云。病家誤。戒忿怒。忿怒無非些小故。血隨氣上不循經。猶如輕車就熟路。吾臨血證多矣。每有十劑之功。敗於一怒。病家自誤。醫士徒勞。堪發一歎。

時復

時復者。謂血家春夏得病。至次年春夏復發。秋冬得病。至次年秋冬。其病復發。值其時而仍病。故曰時復。夫人身五臟六腑。與天之氣運。呼吸相通。原是一體。故天之陰陽。能媾人之疾病。其實非天病人也。乃人身氣血。先有偏盛。故感天氣之偏盛。而病遂作焉。

血家病得於春者。乃肝經血虛火旺。春木之氣。內通於肝。肝經感木氣。而風動火發。故值春時。舊病復作。其已發吐血者。宜地骨皮散。加蒲黃。黃芩。龍膽草。杏仁。柴胡。荆芥。醋炒大黃。治之。尚未發作者。須服五味道遙散。加牡蠣。阿膠。龍骨。香附子。五味子。或用左歸飲。加阿膠。龜版。牡蠣。五味子。以滋養之。使肝腎陰足。則火伏而不動矣。凡冬日春時。得血病者。均宜用此法。以養肝腎。使陽氣封謚而不洩。斯病不發矣。又凡肝經火動者。必先有熱。蒸口苦。魂夢不甯。諸證。柴胡清骨散亦治之。

失血之病。得於夏者。乃心經火旺。次逢夏月復發。宜瀉心湯。加丹皮。蒲黃。生地。黃木。通甘草梢。降香。牛膝。其未發時。若見煩熱。即宜預服生地黃散。以遏止之。或天王補

心丹以養之。又按夏月暑盛病多發於陽明。以陽明主燥熱暑熱相合。故多屬陽明。病在陽明者。口渴身熱煩燥便閉。惡聞人聲。脈勢洪大。以此為辨。其吐出之血亦必甚多。宜犀角地黄湯。加葛根金銀花知母蒲黃大黃枳殼。若尚未動血。初覺發熱口渴者。玉女煎。加蟬蛻秦皮茵陳枳殼。或先服甘露飲。以養胃陰。免動燥氣。

秋乃金令。肺氣主之。凡失血家。至秋時皮毛收斂。未能秘密。往往外合風氣。內壅熱邪。發欬動血。尤為容易。病家醫家。皆須善為調理。庶可補天再造也。若是秋時得病。是病本得於肺。次逢秋月。本臟不潤。復發痿燥。而欬血者。清燥救肺湯。加生地蒲黃治之。人參清肺湯。加紫菀當歸蒲黃亦可。葛可久太平丸。既滋肺陰。兼清風痰。尤治肺良方。若肺氣鬱而不布。衛陽不外達。津液不下降。皮毛洒淅。寒熱作欬者。宜小柴胡。加荊芥防風桔梗杏仁蒲黃蘇木瓜萋根麥冬桑皮全皮枇杷葉治之。風寒客於肺中。久欬不止者。宜千金麥門冬湯。其麻黃搗茸炙過。以搜陳寒。或重用太平丸。重加薄荷。亦和散之法。

冬令屬水。腎氣主之。此時陰氣堅凝。則陽氣潛藏。龍雷不作。若陰氣不足。則陽氣不

五言 房勞復
潛况此時陽氣皆入於內。人身陰虛者。既多內熱。加以陽氣入內。兩熱相合。致失冬令寒熱之象。此與冬行夏令無異。是以火迫血動。而復發也。治法宜滋腎陰。泄內熱。使其陰凝陽秘。復成為大冬之令。斯病愈矣。已動血者。玉女煎。加蒲黃丹皮蘇木。繼服大補陰丸。六味丸。以收功。乘其未發。先用麥味地黃湯滋之。火之不藏。如三冬不雪。臘月鳴雷。潛納陽氣。皆可加龍骨牡蠣。吾於衝脈言之甚詳。須參看。

凡物有根者。逢時必發。失血何根。瘀血即其根也。故凡復發者。其中多伏瘀血。以及遇節氣。遇陰雨。而即蒸熱發動者。均是瘀血為病。宜血府逐瘀湯。加乾漆桃奴治之。或用仲景大黃廕蟲丸。少少與之。此理須知。方不為血證所瞞。

房勞復

血之運行。聽命於氣。氣乃先天腎水之中。一點生陽。靜而復動。化生精血。若以房勞傷其精血。則水虛而火發。氣動而血升。烏在其病之不發乎。宜都氣丸。加麥冬龜鹿膠治之。火盛者。大補陰丸。加鹿膠桑螵蛸海螵蛸治之。或加味虎潛丸。脾腎兼治。或三才湯。加桑螵蛸秋石海粉黃柏紫梢花治之。失血之人。以養息為第一。若不思房

勞。是自促命期。於醫何咎。

附抱兒癆論

世謂婦人有胎。復得效嗽發熱骨蒸。或吐血。或夢交。名為抱兒癆。其胎不能孕滿十月。或七八月。或五六月。胎便萎墮。兒不長成。其母坐產之後。不得滿月。定然廢命。古書不見名論。俗醫又無治法。世皆以死證目之。而死者果相接踵。良可哀也。夫婦人懷孕。其氣血既結養胞胎。又加以病。再耗其氣血。一身之氣血無多。那堪兩件消耗。是以其胎不能長養。而母被胎困。又受病侵。雙斧伐枯樹。不死何待。顧其受命之重。誠如所云。而果得治法。何難起死回生哉。吾妻病此。親手調治。竟得保全。始知抱兒癆之所以不起者。失治之咎耳。夫婦人血和。然後有子。血病於是胎病。治之之法。總視其證。有時以安胎為主。胎安則母自安。有時以治病為主。病去則胎自固。據其見證。照病用藥。自無不愈者也。大旨此病。世皆謂為極虛之證。而不知此病。多是實邪。何以言之。蓋人身除腸胃中。皆不可有物塞碍。是以針砭刺穴。停住片時。即能堵塞其氣。況胎乃頑然一大物。塞於下部。則氣實而喘。氣逆而嘔。氣盛而為火。皆以其壅

塞故也。夫人之懷孕，不啻藏珍。而胎之病人，有如積塊。是以懷孕之脈，沉分搏指，亦與下焦積塊之脈相似。第積塊攻而通之，則實邪去而人安。胎則無攻通之法。是以不便施治。然有逆實之證，亦須消息，以補兼攻。斯不至留病為患。蓋必擺脫一切拘禁，而後可救。皆不能救之死證。內經云：有故無殞也。則知不拘禁例。一意治病，為安胎最上之法。故抱兒癆吐血逆滿，不須顧胎。直宜涼血泄瘀。丹皮、桃仁，皆所不忌。瘀血既去，則不壅熱。去舊生新，胎反得新血之養。若氣逆火甚，非尋常杏仁、枳殼、桔、苓等藥所能治者。酒炒大黃亦間可用。又凡此病皆胎氣壅於下部，反而上薰。肺金直當其氣。故治抱兒癆，以保養肺金為第一要法。清燥救肺湯、紫苑散主之。痰凝氣阻，欬逆不休者，豁痰丸治之。水飲沖肺，肺脹欬嗽，不得卧息者，葶、麻、大棗、瀉肺湯主之。桔梗、甯肺湯、補瀉兼行。保和湯多補少瀉，皆宜酌用。此病發於胞中，其本在下。清理肺金，不過治標之法耳。然胎在下部，既不能攻治其本，則不得不重治其標。保助肺金，以敵病氣。雖病氣上薰，亦無碍也。且肺為華蓋，位雖居上，而通調水道，下輸膀胱。又主制節，下達大腸。肺調則大腸不滯，氣得從大腸而泄，則胎雖阻之，而上薰之勢。

亦稍殺矣。肺調則小水通利。氣得從小水而洩。則胞中之氣亦得從小水泄下。蓋膀胱者。胞之室。膀胱暢。則胞氣可借之得舒。而上薰之勢亦少殺矣。若大便燥結者。急宜用清燥救腸湯。加火麻仁白芍肉苁蓉枳殼厚朴當歸治之。若小便不利者。急宜用清燥救肺湯。加草稍生地木通防己知母桑皮治之。且小便出膀胱屬太陽經。主皮毛。大便出大腸屬陽明經。主肌肉。二經調達。則肌肉皮毛之氣皆清理而不滯。自不發寒蒸熱矣。第皮毛肌肉之屬氣分者。既可以免。而腠理之熱屬血分者。並不關於二經。人身腠理之氣。乃三焦所司。三焦屬相火。內寄於肝膽。而下藏於胞室。今胞室既為胎所站。則相火上壅而為嘔吐。失血者。往往而然。相火之氣循經外達。壅於腠理。則生寒熱。甚則骨蒸。推原其故。以胞室為胎所站。相火不得任意游行。是以壅遏。此時不能奪去其胎。只得清泄胞中之氣。使相火有所洩。斯不致大壅耳。宜四物湯。加黃柏知母赤茯苓澤瀉山萸肉甘草稍肉苁蓉。此是治胞室。以滋相火之本也。外用小柴胡湯。以和其腠理。蒸熱之甚者。可用清骨散。以瀉之。此是治少陽。以清相火之標也。是時胞宮不便重治。只合多清少陽。以重治其標。即不全愈。而亦殺其病。

氣矣。如欲胞室媵理。面面兼治。則宜四物湯。合柴胡清骨散治之。夫抱兒癆之病。根雖在肥。而其受病。則在於肺。惟其肺金津虛。無以轉輸於下。是以胞中之水火。皆得泛上。而為病。無論欬熱諸證。總宜大滋其肺。使肺津得調。肺氣得降。則胞中之水火。雖欲上逆。而亦不為害。救肺湯。紫苑散。太平丸。保和湯。人參清肺湯。阿膠瀉白散。可常服之。第胞宮之水火上逆。則病見肺。而水火之實。又實根於腎中。胞宮之相火。腎中之陽也。胞宮之水陰。天癸之水也。須極力滋補其腎。使水化則不為疾。陰足則不動火。此為正本清源之治。腎中陰虛。而火動者。則水結為痰。為欬。為腫。為淋。閉骨蒸。地黃湯。加杏仁。五味子。麥冬。桑皮。黃柏。知母。以清之。腎中陽虛。不化水者。則水停為飲。為欬。為腫。為淋。閉。清穀不化。宜地黃湯。加故紙。杜仲。艾葉。附片。台烏。約沉香。木通。以溫其陽。若腎中痰火上逆之至。喘欬不止。胎亦上逼。照上用六味地黃湯。加龍骨。牡蠣。鍾乳石。牛膝。半夏。五味子。麥門冬。川貝。母治之。此墜降之藥。各書俱云墜胎。然無病之胎。固忌此等。今既有腎氣逆上之病。高者抑之。有病病受墜。而下之。乃適當其胎之正位。胎反其位。而不上逼。何墜之有。至於氣逆之極。發動吐血。嘔欬呃噦。諸

知母黃柏龍膽草。隨宜取用。亦所不妨。况乎胎中吐血。多因素有瘀血阻滯。胎氣兩不相容。是以動血。欲去瘀血。凡桃仁丹皮五靈脂紅花延胡索等。皆宜用之。若徒守拘禁。與養癰成患無異。醫者果能破除俗見。而參透其所以然。於治抱兒癆。何難起死回生哉。

又曰。用藥雖不必徒守拘禁。然亦須審病中病而止。忽毫無顧忌。而不知輕重也。慎之。

產母之所以繫胎者。帶脈也。帶脈解則胎墜矣。若見腰痛之證。則早用當歸白朮熟地淮山藥杜仲故紙山萸肉龜膠黃柏黃芪知母免絲子甘枸杞續斷雲茯苓治之。其餘帶脈治法。詳經血產血門。產母既病抱兒癆。困憊之極。胎不能保。則亦無須存胎。但以安保護產母為急。歸芎湯。加人參糯米芋根阿膠。聽其安可也。墮亦可也。胎既下後。但照正產按法治之。去瘀生新。自無不愈。

再按抱兒癆。產前已大虛耗。一旦產後。必見險危之證。較之尋常正產。更宜預防。一

血證論

卷六

附抱兒癆論

汗出不止。獨參湯救之。浮熱脈大者。加附子。以引陽入陰。此雖胎前常病。火燥。而至是陽氣欲脫。不得仍照火燥治法。四物湯加炮薑。亦是從陰引陽之法。皆可審用。一喘促為氣脫之候。參附湯加五味沉香治之。一血崩為血脫之候。歸脾湯加血餘灰。梭灰海螵蛸魚膠治之。亦有怒動肝火。而血崩者。歸脾湯加柴胡梔子治之。此三危證。正產有之。病抱兒癆者。在所必有。醫家病家。皆宜預防。

夫胎前屬實熱。產後屬虛寒。平人大抵然也。至於病抱兒癆者。胎前之病。無一非熱。至於產後。則不盡虛寒。蓋胎前已病虛陰。而產後去血過多。其陰愈虛。發熱發效。尤屬痿燥之極。若徒守產後宜溫補之說。鮮不促命。宜左歸飲加阿膠天花粉百部人參麥門冬玉竹五味子治之。骨蒸效逆者。團魚丸治之。陰虛火動。挾水飲而上干者。四物湯合二陳湯。再加柴胡黃芩薑汁竹瀝竹黃膽南星金箔牛黃治之。其餘雜證。均照產科治法。自無不愈。茲所論者。乃抱兒癆。產後之治法。與正產畧異。然亦第舉其端。尚待醫士擴而充之。

一凡治抱兒癆。必先熟吾書中。經血胎血產血諸門。而於各女科。又有參酌。庶克有

一凡抱兒癆。須在初病時。即行調治。治或未愈。而用藥不錯。庶幾產後可以治愈。如不知治法。則產後必亡。醫家病家。兩宜慎之。

以上所論抱兒癆治法。已具大畧。而內中又或加外感。則雖照血家感冒之法。加減治之。或加內傷。則雖照血證飲食諸法。加減治之。或添怒氣而病增。則宜照怒復條內。所用諸藥治之。或加房勞而病劇。則宜照房勞復條內。所用諸藥治之。法外有法。難以筆傳。

脈學指南

吾國醫學為世界最古之哲學亦最切實用之
藝術奈歧景之書理極深奧後人著述蕪雜居
多欲求闡發奧旨洞明虛實之作實不多觀本
局有鑒於此不惜重金多方搜求印行濟世茲
復得山左盧敬之先生所著脈學指南一書遍
請著名醫家評閱僉謂精微透徹發前人所未
發足為後學津梁著作權歸於本局爰亟付印
並略撮是書優點以告有志斯道者諒當先觀
為快也 是書專取內經難經及傷寒論金匱
要略等書融會貫通發為議論所謂以經解經
洵非學有根底者不能與徒逞臆說者有霄壤
之判 是書詳言脈之形象及病之所以然以
及種種變化熟讀之臨診辨症自能確有把握
非板滯不靈之脈訣書可比 是書雖祇八萬
餘言然詳略適宜於脈互勘處晰疑辨難已屬
無微不至少勝多足稱字字珠璣 是書經
大文豪章太炎先生序之篇首其價值如何概
可想見書用本國連史紙精印裝訂四冊清朗

羅茂亭輯

中西醫粹

退思盧醫書四種

本書四種為慈谿名醫嚴痴孫先生所
新輯曰感證輯要四卷六經感證莫不
概括名論良方無乎不備曰女科精華
三卷曰女科醫案選粹四卷曰女科證
治約旨四卷慨女科之盲治而會集前
說擷其精華詳述醫案之由來刺取古
方之良要蓋女科之完書焉先生溝通
中西蜚聲醫界本其心得輯為此書卷
首有嚴範孫先生一序具言臨症二十
餘年既以經驗筆之於書又兼中西國
名論以資旁證以範孫先生之舉望豈
肯阿私所好者則此書之價值可知矣
今由本局精印趕行出版不特醫界之
宜購即各界之居家旅行者均應各置
一編以備遇證揀方之用矣精裝八冊
每部四冊
定價六角

四川彭縣唐宗海容川氏著

仲景瀉心湯

大黃酒炒二錢 黃連三錢 黃芩四錢

心為君火。化生血液。是血即火之魄。火即血之魂。火升故血升。火降即血降也。知血生於火。火主於心。則知瀉心即是瀉火。瀉火即是止血。得力大黃一味。逆折而下。兼能破瘀逐陳。使不為患。此味今人多不敢用。不知氣逆血升。得此猛降之藥。以損陽和陰。真聖藥也。且非徒下胃中之氣而已。即外而經脈肌膚。凡屬氣逆於血分之中者。大黃之性。亦無不達。蓋其氣最盛。凡人身氣血凝聚。彼皆能以其藥氣克而治之。使氣之逆者。不敢不順。今人不敢用。往往留邪為患。惜哉。方名瀉心。乃仲景探源之治。能從此悟得血生於心。心即是火之義。於血證思過半矣。

十灰散

大劑

小劑

茅根

椶皮

側柏

大黃

丹皮

荷葉

茜草

梔子各等分

右藥燒存性為末鋪地出火氣童便酒水隨引黑為水之色紅見黑即止水勝火之義也故燒灰取黑得力全在山梔之清大黃之降火清氣降而血自竅餘藥皆行血之品祇借以為嚮導耳吹鼻止衄及傷止血皆可用之

獨參湯

人參二兩

濃煎細咽熟睡取養胃之陰安護其氣氣不脫則血不奔矣世以人參補氣便認為陽藥不知人參柔潤甘寒乃滋養中宮津液之藥人之真氣生於腎中全賴水陰含之出納於肺又賴水津以濡之故腎中水陰足則氣足而呼吸細肺中之水津足則氣足而喘息平人參滋補中宮之津液上布於肺下輸於腎故肺腎之氣得所補益世人不知氣為水之所化而以氣屬陽妄指參為陽藥幸陳脩園力辨其誣然脩園謂壯火食氣參瀉壯火故補氣其說猶有隔膜尚未識氣即是水之理吾於總論言之甚詳須知氣即是水而人參之真面乃見

甘草乾薑湯

甘草三錢 炙乾薑二錢 炮五味子一錢

甘草災過純於補中。乾薑變黑兼能止血。二藥辛甘合化扶陽氣以四達。血自運行而不滯矣。惟五味收斂肺氣使不上逆。以止氣者止血。凡陽虛脾不攝血者。應手取效。但血係陰汁。虧血即是虧陰。剛燥之劑。往往忌用。必審其脈證。果係虛寒者。始可投此方。

四物湯

當歸四錢 生地四錢 川芎二錢 白芍三錢

柯韻伯曰。心生血。肝藏血。故凡生血者。則究之於心。調血者。當求之於肝也。是方乃肝經調血之專劑。非心經生血之主方也。當歸和血。川芎活血。芍藥斂血。地黃補血。四物具生長收藏之用。故能使榮氣安行。經遂若血虛。加參芪。血結。加桃仁紅花。血閉。加大黃芒硝。血寒。加桂附。血熱。加芩連。欲行血去芍。欲止血去芎。隨宜加減。則不拘於四物矣。如遇血崩血暈等證。四物不能驟補。而反助其滑脫。又當

補氣生血。助陽生陰。長之理。蓋此方能補有形之血於平時。不能生無形之血於倉卒。能調陰中之血。而不能培真陰之本。韻伯此論。雖有不足於四物。然謂四物為肝經調血之專劑。則深知四物之長者矣。蓋肝主藏血。衝任血海。均屬於肝。故調血者。舍四物不能為功。

白虎湯

石膏一兩

知母五錢

甘草二錢

粳米一撮

四藥甘寒。生胃陰。清胃火。陽明燥熱得此。如金甍夕起。暑酷全消。故以秋金白虎名湯。乃仲景傷寒陽明之正方。借治血症。脈洪大發熱口渴者。尤有捷效。

佛手散

即歸芎湯

當歸五錢

川芎三錢

酒水各半煎服。辛以行氣。溫以行血。有汁能生血。二味為活血行血之要藥。

失笑散

蒲黃三錢

五靈脂五錢

靈脂氣味溫行以行血。二者合用。大能行血也。

大柴胡湯

柴胡 三錢 半夏 三錢 白芍 三錢 黃芩 三錢

枳殼 二錢 大黃 錢半 生薑 三錢 大棗 三枚

黃芩一味。清表裡之火。姜棗柴胡。使邪從表解。半夏白芍枳殼大黃。使邪從裡解。乃表裡兩解之劑。而用裡藥較多。後之雙解散。通聖散。皆從此套出。借治血症。或加表藥。或加血藥。可以隨宜致用。

逍遙散 加丹梔名丹梔逍遙散

柴胡 三錢 當歸 四錢 白芍 三錢 白朮 三錢 雲苓 三錢

甘草 錢半 薄荷 一錢 煨薑 三錢 丹皮 三錢 梔子 二錢

此治肝經血虛。火旺鬱鬱不樂。方用白朮茯苓。助土德以升木。當歸白芍。益榮血以養肝。薄荷解熱。甘草緩中。柴薑升發。木鬱則達之。遂其曲直之性。故名之曰逍

逆如火甚血不和者加丹皮山梔清理心包。心包主火與血為肝之子。為火之母。治心包之血即是治肝之血。瀉心包之火即是瀉肝之火。以子母同氣故也。

當歸蘆薈湯

當歸一兩 胆草一兩 蘆薈五錢 青黛五錢 梔子一兩 黃連一兩

黃柏一兩 黃芩一兩 大黃五錢 木香二錢半 麝香五分

舊用神曲糊丸。姜湯送下。借治血病。用酒丸。童便下。尤佳。人身惟肝火最橫。每挾諸經之火。相持為害。方用青黛蘆薈胆草。直折本經之火。芩連梔柏大黃。分瀉各經之火。火盛則氣實。故以二香以行氣。火盛則血虛。故君當歸以補血。治肝火決裂者。惟此方最有力量。莫嫌其多瀉少補也。

地黃湯

熟地一兩 山藥五錢 山萸肉五錢 茯苓三錢 丹皮三錢 澤瀉三錢

陳脩園謂。人之既生。以後天生先天。全賴中宮輸精及腎。而後腎得補益。謂此方非補腎正藥。然腎經水虛火旺者。實不可離。方取熟地以滋腎水。而又恐肝木盜

腎用丹皮清心胞瀉火邪以安腎庶幾腎中之水得以充足特慮有形之水質不化則無形之水津亦不能生尤妙茯苓澤瀉化氣利水以瀉為補雖非生水之正藥而實滋水之要藥。

花蕊石散

花蕊石

煨為末每服三錢

男用酒水調女用醋水服瘀血化水而下按此藥獨得一氣之偏神於化血他藥行血皆能傷氣此獨能使血自化而氣不傷真去瘀妙品。

柏葉湯

側柏葉 三錢

炮薑 錢半

艾葉 三錢

馬通 二兩

熱氣藏伏於陰分逼血妄行不用薑艾宣發其熱使行陽分則陰分之血無所逼而守其經矣柏葉屬金抑之使降馬為火畜同氣相求導之使下則餘燼之瘀一概蠲去此為熱伏陰分從治之法乃久吐不止一切寒溫補瀉藥幾用盡因變

一法以從治之。凡遇熱症用之須慎。若係寒凝血滯者則無不宜。馬通汁即馬糞泡水無馬通以童便代之。

人參瀉肺湯

人參 三錢

黃芩 三錢

梔子 三錢

枳殼 二錢

甘草 一錢

連翹 一錢

杏仁 三錢

桔梗 二錢

桑皮 三錢

大黃 一錢
酒炒

薄荷 一錢

葶藶大棗瀉肺湯。是瀉肺中之水。此方是瀉肺中之火。肺體屬金。不自生火。皆由心火剋之。胃火薰之也。故用梔子連翹以瀉心火。黃芩大黃以瀉胃火。肺為火鬱。則皮毛灑淅。用薄荷以發之。肺金不清。則水道不調。用桑皮以泄之火。盛即是氣。盛用枳桔杏仁以利之。而人參甘草又補土生金以主持之。補瀉兼行。調停盡善。實從葶藶大棗湯套出。變瀉水為瀉火之法。凡上焦血滯痰凝。因火所致者。均可隨證加減。

甲己化土湯

白芍 五錢

甘草 三錢

以生新血。佐黑薑炙草。引三味入於肺肝。生血利氣。為產後之聖藥。各書多改炙草為益母草。不知益母乃涼血利水之藥。此方取其化血。即能生血。如益母草。為有生血之功。與方名相左。吾以為治紅痢尿血。或可用之。若此方斷不可用。
牛膝散

牛膝 三錢 川芎 錢半 蒲黃 三錢 丹皮 三錢 桂心 三錢 當歸 四錢

當歸 川芎 蒲黃 丹皮 四藥和血。桂枝辛溫以行之。牛膝下走以引之。用治下焦瘀血。溫通經脈。無不應驗。方義亦淺而易見。

桃仁承氣湯

桃仁 五錢 大黃 二錢 芒硝 三錢 桂枝 二錢

桂枝稟肝經木火之氣。肝氣亢者。見之即熾。肝氣結者。遇之即行。故血證有宜有忌。此方取其辛散。合硝黃桃仁。直入下焦。破利結血。瘀血去路。不外二便。硝黃引從大便出。而桂枝兼化小水。此又是一層意義。

小調經湯

當歸三錢 赤芍三錢 沒藥二錢 琥珀二錢 桂枝二錢

細辛五分 麝香少許

當歸補血。赤芍行血。樹脂似人之血。沒藥為樹脂所結。故能治結血。琥珀乃樹脂所化。故能化死血。四藥專治瘀血。亦云備矣。而又恐不能內行外達也。故領以辛桂射香。使藥性無所不到。而內外上下。自無伏留之瘀血。所以不循經常者。多是瘀血阻滯。去瘀即是調經。

小柴胡湯

柴胡八錢川產為真 黃芩三錢 半夏三錢 大棗三枚 人參二錢

甘草一錢 生薑二錢

此方乃達表和裡。升清降濁之活劑。人身之表。腠理實營衛之樞機。人身之裡。三焦實臟腑之總管。惟少陽內主三焦。外主腠理。論少陽之體。則為相火之氣。根於膽腑。論少陽之用。則為清陽之氣。寄在胃中。方取參棗甘草。以培養其胃。而用黃

苓半夏降其濁火。柴胡生薑升其清陽。是以其氣和暢而腠理三焦罔不調治。其有太陽之氣陷於胸前而不出者。亦用此方。以能清裡和中。并達其氣。則氣不結而外解矣。有肺經鬱火。大小便不利。亦用此者。以其宣通上焦。則津液不結。自能下行。肝經鬱火。而亦用此。以能引肝氣使之上達。則木不鬱。且其中兼有清降之品。故餘火自除矣。其治熱入血室諸病。則尤有深義。人身之血。乃中焦受氣。取汁變化而赤。即隨陽明所屬衝任兩脈。以下藏於肝。此方非肝膽臟腑中之藥。乃從胃中清達肝膽之氣者也。胃為生血之主。治胃中。是治血海之上源。血為肝之所司。肝氣既得清達。則血分之鬱自解。是正治法。即是隔治法。其靈妙有如此者。

犀角地黄湯

犀角 錢半

生地 五錢

白芍 三錢

丹皮 三錢

犀牛土屬。而秉水精。地黃土色。而含水質。二物皆得水土之氣。能滋胃陰。清胃火。乃治胃經血熱之正藥。然君火之主在心。故用丹皮以清心。相火所寄在肝。故用白芍以平肝。使君相二火。不湊集於胃。則胃自清而血安。

甘露飲

天門冬三錢 麥門冬三錢 生地黄三錢 熟地黄三錢 黃芩三錢

枳殼一錢 石斛三錢 茵陳三錢 甘草一錢 枇杷葉二片去毛

陳脩園曰。胃為燥土。喜潤而惡燥。喜降而惡升。故用二地二冬。石斛甘草潤以補之。枇杷枳殼降以順之。若用連蘖之苦。則增其燥。若用芪朮之補。則慮其升。即有濕熱。用一味黃芩以折之。一味茵陳以滲之。足矣。蓋以陽明之治。重在養津液。方中地冬等藥。即猪苓湯。用阿膠以育陰意也。茵陳枳殼。即猪苓湯。用滑澤以除垢意也。

清燥救肺湯

人參一錢 甘草一錢 芝蔴黑一錢 石膏煨二錢 阿膠一錢

杏仁一錢 去皮尖 麥冬二錢 枇杷葉尖一片 桑葉三錢 冬

喻嘉言曰。諸氣膈鬱之屬於肺者。屬於肺之燥也。而古今治氣鬱之方。用辛香行氣。絕無一方治肺之燥者。諸嘔喘痿之屬於上。亦屬於肺之燥也。而古今治法。以

痿喘屬胃經以喘屬肺是則嘔與痿屬之中下而惟喘屬上矣所以亦無一方及於肺之燥也即喘之屬於肺者非行氣即泄氣間有一二用潤劑又不得肯察今擬此方名清燥救肺大約以胃為主胃土為肺金之母也其天冬知母能清金滋水以苦寒而不用至苦寒降火之藥尤在所忌蓋肺金自至於燥所存陰氣不過一線倘更以苦寒下其氣傷其胃尚有生理乎誠仿此增損以救肺燥變生諸證庶克有濟

保和湯

甘草二錢

阿膠三錢

百合三錢

知母三錢

貝母三錢

五味子一錢

天冬三錢

麥冬三錢

桔梗三錢

薄荷一錢

飴糖三錢

薏苡仁三錢

馬兜鈴二錢

肺經之津足則痰火不生而氣沖和若津不足則痰凝火鬱痿效交作而氣失其和矣方用飴糖甘草阿膠補胃以滋肺津復加清火祛痰斂浮解鬱之品凡以保護肺金使不失其和而已葛可久此方雖不及救肺湯之清純然彼以滋乾為主

此以清火降痰為主。各之用意不同。無相誑訾。

麥門冬湯

麥冬二兩 半夏六錢 人參四錢 甘草四錢 粳米一盞 大棗十二枚

參米甘棗四味。大建中氣。大生津液。胃津上輸於肺。肺清而火自平。肺調而氣自順。然未逆未上之火氣。此固足以安之。而已逆已上之火氣。又不可任其遲留也。故君麥冬以清火。佐半夏以利氣。火氣降則津液愈生。津液生而火氣自降。又并行而不悖也。用治燥痰欬嗽。最為對症。以其潤利肺胃。故亦治隔食。又有衝氣上逆。挾痰血而干肺者。皆能治之。蓋衝脈起於胞中。下通肝腎。實則麗於陽明。以輸陽明之血。下入胞中。陽明之氣順則衝氣亦順。胞中之血與水。皆返其宅。而不上逆矣。此方與小柴胡合看。更明。小柴胡是從胃中引衝氣上行。使火不下鬱之法。此方是從胃中降衝氣下行。使火不上干之法。或去粳米。加蜜。更滋潤。

四磨湯

人參 烏藥 檳榔 沉香

等分。展水煎。服。上氣喘急。取人參。海州。以補氣之。丹。取沉香。入。以納氣之。相。而後以檳榔為藥。從而治之。瀉實補虛。洵為調納逆氣之妙法。蓋肺為陽。而所以納氣下行者。全賴陰津。故用人參以生津。腎為陰。而所以化氣上行者。全賴真陽。故用沉香以固陽。為其沉水。故能直納水中之陽也。

桂苓五味甘草湯

桂枝尖三錢 雲茯苓四錢 炙甘草二錢 五味子一錢

此治腎中水氣騰溢。陰火上衝。面赤咽痛。欬逆諸病。桂苓抑水下行。水行即是氣行。然逆氣非斂不降。故以五味之酸斂其氣。土厚則陰火自伏。故以甘草之甘補其中也。

蘇子降氣湯

蘇子三錢 半夏二錢 當歸三錢 陳皮二錢 前胡二錢

厚樸一錢 沉香一錢 甘草一錢 生薑三片

氣即水也。水凝則為痰。水泛則為飲。痰飲留滯。則氣阻。而為喘欬。蘇子生薑半夏

前胡陳皮宣除痰飲痰飲去而氣自順矣然氣以血為家喘則流蕩而忘返故用當歸以補血喘則氣急故用甘草以緩其急出氣者肺也納氣者腎也故用沉香之納氣入腎或肉桂之引火歸元為引導。

腎氣丸

熟地黄八錢

山萸肉四錢

山藥四錢

雲茯苓四錢

澤瀉四錢

牡丹皮五錢

川附片三錢

肉桂二錢

腎為水藏而其中一點真陽便是呼吸之母水足陽秘則呼吸細而津液調如真陽不秘水泛火逆則用苓澤以行水飲用地萸以滋水陰用淮藥入脾以輸水於腎用丹皮入心以清火安腎得六味以滋腎而腎水足矣然水中一點真陽又恐其不能生化也故用附子肉桂以補之若加牛膝便具引火歸元之功若加知柏又治上熱下寒之法如去桂附加麥冬五味則純於滋陰兼治肺金。

辛字潤肺膏

羊肺洗一具

杏仁四錢

柿霜五錢

真酥五錢

真粉三錢

白蜜五錢

為未攪勻入肺中。炖熟食真粉即上白花粉真酥即上色羊乳如無以黑芝麻搗爛代之。方取肺與肺同氣而用諸潤藥以滋補之。義最淺而易見。然方極有力可用。

瓊玉膏

生地汁一觔 白蜜一觔 人參八兩 雲苓十二兩

生地汁合白蜜入磁瓶內。雲苓人參為末和勻放水中。煮三晝夜。懸井中晝夜取起。仍煮半日。白湯化服。為潤利肺經之妙劑。

生脈散

人參三錢 麥門冬三錢 五味子七粒

人參生肺津。麥冬清肺火。五味斂肺氣。合之酸甘化陰。以清潤肺金。是清燥救肺湯之先聲。

保元湯

人參三錢 黃芪三錢 黑棗三錢 炙甘草二錢 煨薑三片

草與黑棗。大補中土。再加煨薑以溫之。黃芪以鼓之。人參以滋之。總使土氣沖和。上生肺金。肺陽布護。陰翳自消。一切寒怯虛悸之症。自除。此為溫補肺陽法。與上滋肺陰法。為一寒一熱之對子。

六君子湯

人參 三錢 白朮 三錢 雲苓 三錢 甘草 二錢 陳皮 三錢 半夏 三錢

四君子補胃和中。加陳皮半夏以除痰氣。肺之所以有痰飲者。皆胃中之水不行。故爾沖逆治胃中即是治肺。

天王補心丹

當歸 三錢 熟地黃 五錢 生地黃 三錢 遠志 一錢 人參 三錢

丹參 三錢 天門冬 三錢 麥門冬 三錢 元參 三錢 桔梗 錢半

酸棗仁 三錢 柏子仁 三錢 雲茯苓 三錢 五味子 一錢

陳脩園曰。心字篆文。只是一倒火耳。火不欲炎上。故以生熟地補水。使水上交於心。以元參丹參二冬。使火下交於腎。又佐參苓以和心氣。當歸以生心血。棗仁以

健忘怔忡津液乾枯舌瘡秘結之苦哉

硃砂安神丸

硃砂一錢 黃連三錢 生地三錢 當歸三錢 甘草二錢

硃砂之重以鎮怯黃連之苦以清熱當歸之辛以噓血更取甘草之甘以制黃連之太過地黃之潤以助當歸所不及合之養血清火安鎮心神怔忡昏煩不昧之症可以治之

人參養榮湯

人參三錢 黃芪三錢炙 白朮三錢 甘草錢半 當歸三錢

熟地四錢 大棗三枚 生薑三片 遠志一錢 桂心一錢

陳皮二錢 白芍三錢 雲苓三錢 五味子一錢

此方即中焦取汁奉心化赤以為血之義參芪朮草大棗大補中焦中焦穀化則汁益生故加陳皮以化穀中焦水停則穀不化故加薑苓以別水水穀既化中焦

之汁自生矣。再用歸地多汁以引其汁。凡係婦人催乳用此足矣。若必令其奉心化血則宜加芍味以斂之。使榮行脈中而不外散。加桂心遠志。啟導心火以助其化赤之令。補中者開血之源也。導心者化血之功也。斂脈者成血之用也。此心火不足之治法與炙甘草建中湯相近。

歸脾湯

白朮 三錢
黃芪 三錢
茯神 三錢
人參 三錢
遠志 錢半

木香 一錢
甘草 二錢
棗仁 三錢
當歸 三錢
桂圓 五枚
去殼

心主生血。脾主統血。養榮湯以治心為主。歸脾湯以治脾為主。心血生於脾。故養榮湯補脾以益心。脾土生於火。故歸脾湯導心火以生脾。總使脾氣充足。能攝血而不滲也。

養真湯

人參 三錢
白朮 三錢
雲苓 三錢
甘草 錢半
山藥 三錢

蓮米 三錢
麥冬 三錢
五味 八分
黃芪 三錢
白芍 三錢

煎去頭煎只服二三煎。取燥氣盡去。遂成甘淡之味。蓋土本無味。無味即為淡淡。即土之正味也。此方取淡以養脾。深得其旨。

小建中湯

桂枝二錢 白芍四錢 甘草二錢 紅棗三枚 生薑三片 飴糖一兩

虛勞裡急諸不足者。五臟陰精陽氣俱不足也。故用薑桂辛溫以生陽。用芍飴酸甘以生陰。大棗甘草純甘以補中。使中宮建立。則陽氣化而上行。陰氣化而下降。細按此方。乃建胃滋脾。以陽生陰之法。歸脾湯。從此方重濁處套出。補中湯。從此方輕清處套出。

正元湯

人參附子汁黃芪川芎酒山藥乾姜煮白木陳皮煮雲苓肉桂煮甘草各等分

六藥為末。鹽湯下。取火烈之品。治平和之藥。雄烈之味既去。誠為溫補少火之劑。

劑。

白鳳膏

右四味為末。納棗內。入鴨腹中。陳酒煮爛。食鴨肉。將棗陰乾。隨用參湯白湯化服。鴨乃血肉之品。其性滋陰。酒為五穀之精。其性和陽。合諸藥養脾胃。大收純和之效。

桂枝甘草龍骨牡蠣湯

桂枝 三錢 甘草 二錢 龍骨 三錢 牡蠣 三錢

肝寒魂怯。用辛溫鎮補之品。以扶肝而斂魂。心陽上越。腎陽下泄。此方皆可用之。

滑氏補肝散

棗仁 三錢 熟地 四錢 白朮 三錢 當歸 三錢 山茱萸 三錢

山藥 三錢 川芎 一錢 木瓜 一錢 獨活 一錢 五味子 五分

肝體陰而用陽。此以酸甘補肝體。以辛甘補肝用。加獨活者。假風藥以張其氣也。願欲其氣之鼓盪者。則用獨活。欲其氣之溫斂者。則用巴戟。欲其氣之清平者。則用桑寄生。欲其氣之疏達者。則用柴胡白頭翁。諸藥皆治風之品。輕重不同。在人

用之得宜。

災甘草湯一名復脈湯

人參二錢

地黃

二兩六錢

麥冬

八錢

阿膠

二錢

芝麻

災草四錢

大棗

三枚

桂枝

三錢

生薑

三錢

清酒一兩

此方為補血之大劑。鄉先輩楊西山。此方亟戒加減。惜未能言明其義。余按此方。即中焦受氣取汁。變化而赤。是為血之義。薑棗麥冬。中焦取汁。桂枝入心。化氣變化而赤。然桂性辛烈。能傷血。故重使生地麥冬。芝麻。以清潤之。使桂枝雄烈之氣。變為柔和。生血而不傷血。又得阿膠。潛伏血脈。使輸於血海。下藏於肝。合觀此方。生血之源。導血之流。真補血之第一方。未可輕議加減也。時方養榮湯。亦從此套出。第養榮湯較溫。此方多用生地麥冬。則變為平劑。專滋生血脈。若催乳則無須桂枝。若去桂加棗仁。遠志。則更不辛烈。若加丹皮桃仁。則能清心化血。加炒梔。又是清心涼血之劑。加五味。則兼斂肺金。此雖加減。而仍不失仲景遺意。又何不可。

大補陰丸

熟地八錢 知母三錢 黃柏三錢 龜版四錢

苦寒之品能大伐生氣亦能大培生氣蓋陰虛火旺者非此不足以瀉火滋陰夫人之生氣根於腎中此氣全賴水陰含之若水陰不足則陽氣亢烈煩逆痿熱方用知柏折其亢龜版潛其陽熟地滋其陰陰足陽秘而生氣不洩矣

四物湯為生血和血之通劑

生地四錢 白芍三錢 川芎二錢 當歸三錢

四君湯

人參三錢 白朮四錢 雲苓四錢 甘草二錢

異功散 即四君湯加陳皮二錢

八珍湯

即上二方合用也氣血雙補之平劑

十全大補湯

即八珍湯加黃芪肉桂為溫補氣血之大劑

當歸補血湯

黃芪一兩 當歸五錢

此方以氣統血。氣行則血行。外充皮膚。則盜汗身熱自除。內攝脾元。則下血崩漏能止。

柴胡清骨散

柴胡三錢 青蒿三錢 秦艽三錢 白芍三錢 丹皮三錢 地骨皮三錢

鱉甲三錢 知母二錢 黃芩二錢 甘草一錢 童便少許 胡黃連一錢

肝為藏血之藏。又司相火。血足則火溫而不烈。遊行三焦。達於腠理。莫不得其溫養之功。若血虛火旺。內則煩渴淋閉。外則骨蒸汗出。皆肝經相火之為病也。方用全皮知母枯芩胡黃連童便。大清相火。而又恐外有所鬱。則火不能清也。故用柴胡青蒿秦艽。以達其鬱。又恐內有所結。則火不能清也。故用白芍丹皮鱉甲。以破其結。佐甘草一味。以和諸藥。務使肝經之鬱結解。而相火清。較逍遙散更優。

保命生地散

生地五錢

熟地三錢

枸杞三錢

地骨皮三錢

黃芪四錢

白芍三錢

甘草二錢

黃芩二錢

天門冬三錢

方取黃芪甘草入脾統血餘藥清潤肺腎以治血之源流或血止後用此調養亦宜。

猪苓湯

猪苓三錢

澤瀉三錢

雲苓三錢

滑石三錢

阿膠三錢

此方專主滋陰利水凡腎經陰虛水泛為痰者用之立效取阿膠潤燥滑石清熱合諸藥皆滋降之品以成其祛痰之功痰之根原於腎制肺者治其標治腎者治其本。

導赤飲

生地黃四錢

木通二錢

甘草稍三錢

竹葉心三錢

李楚重曰瀉心湯用黃連所以治實邪責木之有餘瀉子以清母也導赤散用地黃所以治虛邪責水之不足壯水以治火也。

麻黃一錢

桂枝三錢

黃芪三錢

人參三錢

炙草一錢

當歸三錢

白芍三錢

麥冬三錢

五味子一錢

麻黃桂枝從外發表。黃芪草參從內托裡。使內犯之邪皆從外出。自不至乘陰而吐衄矣。然既亂之血。又不可以不治也。故用當歸白芍以和之。麥冬五味以清之。又按麻桂力能發表。表解而血自止。是善用麻桂之功。非麻桂自能止血也。況仲景於吐血衄血皆忌發汗。用此方者。須審其的。由外感。非此不解。然後一投即應。設忌發汗而反汗之。又誤用麻桂之過。麻桂亦不任咎也。

止嗽散

桔梗三錢

荊芥三錢

紫苑廣三錢

百部廣三錢

白前三錢

陳皮三錢

甘草一錢

普明子制此方。并論注其妙。而未明指藥之治法。余因即其注而增損之。曰。肺體屬金。畏火者也。遇熱則效。用紫苑百部以清熱。金性剛燥。惡冷者也。遇寒則效。用

白前陳皮以治寒。且肺為嬌藏。外主皮毛。最易受邪。不行表散。則邪氣流連而不解。故用荊芥以散表。肺有二竅。一在鼻。一在喉。鼻竅貴開而不貴閉。喉竅貴閉而不貴開。今鼻竅不通。則喉竅啟而為效。故用桔梗以開鼻竅。此方溫潤和平。不寒不熱。肺氣安甯。

千金麥門冬湯

麥冬三錢 桔梗二錢 桑皮三錢 半夏二錢 生地三錢 紫苑三錢

竹茹三錢 麻黃一錢 五味一錢 生薑三片 甘草一錢

風寒容於肺中。引痰生火。故用桔梗桑皮半夏生薑。以利除痰飲。用生地紫苑竹茹麥冬五味。以清斂火氣。然陳寒不除。則痰火旋去而旋生。故以麻黃一味。搜剔陳寒。惟甘草則取調諸藥而已。凡寒中包火。火中伏寒。皆能治之。

柴胡梅連散

柴胡三錢 人參三錢 黃芩三錢 甘草一錢 黃連一錢 白芍三錢 當歸三錢

柴胡湯道遙散。各半成方。而重在黃連一味。較二方尤擅清火之功。心者肝之子。

甘桔湯

甘草三錢 桔梗三錢

葶藶大棗瀉肺湯

葶藶炒香搗三錢 大棗擘破五枚

先聖用藥瀉必兼補故無弊。即如此兩方。桔梗以開達肺氣。凡咽痛肺癰排膿皆主用之。而必君以甘草。以土生金助其開達之勢。葶藶苦寒力能降泄肺中之氣。火熱壅肺水飲衝肺皆能隨其實而瀉之。而必君以大棗使邪去而正不傷。得此意者可以知配合之義。

保和丸

知母三錢 貝母三錢 天門冬三錢 欵冬花三錢 天花粉三錢

黃芩仁三錢 五味子一錢 甘草一錢 馬兜鈴三錢 生地黃三錢

紫苑三錢 百合三錢 阿膠三錢 當歸三錢 紫蘇二錢

薄荷一錢 百部三錢 飴糖二兩 生薑三錢

此方藥味雖多。而實以潤肺清火為主。凡是虛勞。效血皆肺中陰津不足。火熱乘之。使熱火壅於內。則皮毛固閉。洒淅而惡寒。易招外感。火盛則水津凝滯。膠結為痰。而氣愈不得息。痿效所以不愈也。方用飴膠地歸百合百部甘草紫苑花粉欬冬。大生津液以潤肺。五味天冬知母以清肺火。猶恐外寒閉之。則火鬱而不清。故佐以薑蘇薄荷。以疏解其鬱。痰飲滯之。則火阻而不降。故用貝母苡仁。以導利其滯。鬱解滯行。火清肺潤。效嗽愈而痔燥除。無論寒久變火。火鬱似寒。諸症皆能治之。十藥神書載此方。加減甚詳。余謂此方藥味已多。如再加減。便雜而無功。對證之方甚夥。何須執此一方。苦苦加減。便欲醫盡諸病耶。為末。飴糖丸服。

瀉肺丸

瓜蒌霜三錢 貝母三錢 半夏三錢 鬱金二錢 葶藶三錢

杏仁三錢 黃連二錢 黃芩三錢 大黃錢半 甘草一錢

肺部痰火血氣壅滯不降。用此方解泄破下。力量最大。是從人參瀉肺湯。葶藶大

棗半夏瀉心小結胸等湯。割取而成。又加鬱金大破血分。藥雖猛峻。然果遇實證。非此不克。

消化丸

礞石煨三錢

明礬二錢

牙皂一錢

雲苓三錢

陳皮一錢

枳壳一錢

枳實一錢

南星生一錢

沉香一錢

半夏生一錢

薄荷一錢

黃芩二錢

神曲二錢

薑汁一錢

飴糖三錢

為末。神曲薑汁為丸。卧時飴糖拌吞。仰卧則藥流入肺。去痰除根。痰即水也。寒鬱之氣阻之。火凝之。是以膠粘潮溢。而不能去也。此方以燥降墜利去水為主。而用薄荷以散寒。用黃芩以清火。尤妙。明礬入濁水而能清。牙皂入汗垢而能去。二物合用。為滌除痰涎之妙品。諸藥猛峻。故用飴糖以緩之。葛可久法。服後即服太平丸以補之。可知瀉實亦宜補虛。然遇實證。慎毋畏而不用也。

太平丸

天門冬二錢 麥門冬二錢 欬冬花二錢 知母二錢 杏仁二錢

熟地黄 三錢 生地黄 三錢 川黃連 一錢 當歸 三錢

阿膠 二錢 蛤粉炒

蒲黃 二錢 京墨 五分 桔梗 二錢 薄荷 一錢

麝香 少許

煉蜜為丸。彈子大。食後。薄荷湯化下。一丸。義取潤肺清金。豁痰止血。諸藥顯而易見。惟黃連一味。是瀉心之藥。心者肺之賊。瀉心即是清肺。乃隔治之法。射香一味。是透竅之藥。肺者氣之竅。通竅即所以安肺。是從治法。仲景金匱亦有上焦得通。津液得下之語。蓋上焦通。則津液不凝為痰。下降而火亦隨降。葛可久製方。原未證諸仲景。而其義有可通。故引證之。第此方治肺。取滋利宣通。上焦虛枯滯澀者。皆宜。若下焦陰虛。則大不宜。蓋下焦之病。宜斂藏。用宣通法。又其所忌。

二陳湯

半夏 三錢 陳皮 三錢 茯苓 三錢 甘草 二錢

此方為去痰除飲之通劑。痰之本。水也。茯苓治水。以治其本。痰之動。濕也。茯苓滲濕以鎮其動。其餘半夏降逆。陳皮順氣。甘草調中。皆取之。以為茯苓之佐使耳。故

仲景書。凡痰多者。俱加茯苓。嘔者。俱加半夏。今人不窮古訓。以半夏為去痰專品。

不知半夏非不去痰而辛降之氣最甚。究屬降氣之主。故凡用藥不可失其真面也。

紫菀散

紫菀 三錢

人參 二錢

知母 二錢

貝母 二錢

桔梗 二錢

茯苓 三錢

阿膠 二錢

五味 一錢

甘草 一錢

肺痿效痰。取參草膠菀以滋補肺陰。又用知母以清其火。五味以斂其氣。桔梗貝母茯苓以利其痰。火氣痰三者俱順。則肺愈受其益。此較保和湯救肺湯。又在不清不濁之間。用方者隨宜擇取。

礞石滾痰丸

礞石 三錢

黃芩 三錢

大黃 三錢

沉香 三錢

痰者水之所結也。肺胃火盛煎灼其水。則凝而為痰。與飲同主於水。而飲則動於寒。故清而不稠。痰則熬以火。故粘而難下。王隱君制此方。用黃芩清肺中無形之火。用大黃瀉胃中實積之火。此治痰先清火。所以治其原也。然痰本水濕所成。故

佐以礞石之悍燥以除水。痰之所留。氣即阻而不利。故用沉香以速降之。二黃得礞石沉香。則能迅掃直攻老痰巢穴。濁垢之處。而不少留。此滾痰之所由名也。為末水丸。薑湯下。仰臥。忌飲食半日。若喉間粘壅。乃病藥相拒。少頃藥力到自愈。方雖猛峻。然頑痰變見諸怪證。非此不治。

旋覆代赭石湯

人參 三錢 甘草 二錢 半夏 三錢 生薑 三錢 大棗 五枚

赭石 三錢 煨 旋覆花 三錢

代

此方治噦呃。人皆知之。而不知呃有數端。胃絕而呃不與焉。一火呃。宜用承氣湯。一寒呃。宜理中湯。加丁香柿蒂。一瘀血滯呃。宜大柴胡。加桃仁丹皮。此方乃治痰飲作呃之劑。與諸呃有異。不得見呃。即用此湯也。方取參草大棗以補中。而用生薑旋覆以去痰。飲用半夏赭石以鎮逆氣。中氣旺。則痰飲自消。痰飲清。則氣順。氣順則呃止。治病者貴求其本。斯方有效。不為古人所瞞。兼火者可加寸冬枯苓。兼寒者可加丁香柿蒂。痰多者。一加茯苓。蓋既得其真面。然後可議加減。

溫膽湯

半夏三錢 雲苓三錢 陳皮二錢 甘草錢半 竹茹三錢 枳殼錢半

二陳湯為安胃祛痰之劑。竹茹以清膈上之火。加枳壳以利膈上之氣。總求痰氣順利而膽自甯。溫之實清之也。用治痰氣嘔逆為宜。

真武湯

白朮三錢 茯苓三錢 白芍三錢 生薑三錢 附子炮三錢

水飲者。腎之所主也。腎陽化水。則水下行而不泛上。故用附子入腎補陽。以為鎮管水氣之主。制水者土也。用苓朮以防之。白芍苦降。從其類以瀉之。生薑辛散。循其末而宣之。合之宣瀉防制。水有所宰。而自不動矣。故取此方真武水神以名湯。苓桂朮甘湯

茯苓五錢 桂枝三錢 白朮五錢 甘草三錢

炙

甘草白朮填中宮以塞水。茯苓以利之。桂枝以化之。水不停而飲自除。治水氣陵心大效。蓋桂枝補心火。使下交於腎。茯苓利腎水。使不上陵心。其實茯苓是脾藥。

土能治水。則水不尅火也。桂枝是肝藥。化水者肝為腎之子。實則瀉其子。而肝又主疏泄。故有化水氣之功。補心火者。虛則補其母。肝為心火之母。而桂又色赤入心也。發汗亦用桂枝。借木氣之溫。以散布外達也。其降衝逆亦用桂枝者。以衝脈下屬於肝。內通於腎。桂枝溫肝氣以引之。化腎水以泄之。凡下焦寒水。攻發衝陽上浮者。往往佐苓夏以收功。須知桂枝其色赤。其氣溫。純得水火之氣。助火化水。是其所長。如無寒水。而用之發熱動血。陽盛則斃。仲景已有明戒。不可不凜。失血之家。尤宜慎用。或曰。仲景炙甘草湯。是補血藥。而亦未嘗忌用桂枝何也。曰。此正仲景慎於用桂枝處。方義以中焦取汁。變赤為血。不得不用桂枝。助心火以化赤。然即恐桂枝傷血。故用桂極少。而用麥冬地黃極多。以柔濟剛。用桂而能制桂。仲景如此之慎。可知失血家不可輕用桂也。

二加龍骨湯

龍骨三錢

牡蠣三錢

白薇三錢

附子錢半

白芍三錢

甘草一錢

大棗三枚

生薑三片

此方乃清散上焦溫補下焦之藥方。凡甘棗從中宮以運上下。薑微清散使上焦之火不鬱。附子龍牡溫斂使下焦之火歸根。合觀其方。以溫為正治。以清為反佐。真寒假熱。虛陽上浮。為對證。陳脩園極贊其妙。今人不察。往往誤用。惜哉。

團魚丸

川貝母

知母

前胡

柴胡各五錢 團魚重十二兩

同煮。先取肉汁食之。次將藥渣焙乾為末。魚骨煮汁。丸梧子大。麥冬湯下。團魚乃甲蟲之長。能破肝之癥結。肉亦帶酸。入肝養陰。合清利痰火。疏理凝滯之品。凡肝經血鬱氣鬱。火鬱痰鬱。以致骨蒸咳嗽者。此丸力能治之。蓋此丸以調肝者。利肺。金木交和。則血氣清甯。癆瘵不作。

月華丸

天門冬 三錢

麥門冬 三錢

生地黄 三錢

山藥 二錢

百部 三錢

川貝母 三錢

雲茯苓 五錢

白菊花 二錢

沙參 三錢

阿膠 三錢

三七 二錢

桑葉 三錢

懶肝 一具

血證論

卷七

方解上

十九

癩肝隨月變形。每月生一葉。正月則合為一葉。以其變化不測。而性又能殺蟲。凡癩蟲隱伏幻怪者。亦以此幻怪之物治之。乃自古相傳之靈藥。方名月華。實以此藥命名。而蟲所由生。則由於瘀血所變。故用三七以化瘀。血之所以化蟲者。又由於痰熱所蒸。故用餘藥潤利。以清痰火。但取殺蟲。則癩肝一味已足。但取消瘀。則三七一味已足。而必多其品物者。攻補兼行。標本兼治。乃為全勝之師也。

生化湯

當歸 三錢

川芎 二錢

黑薑 一錢

桃仁 三錢

甘草 一錢

益母草 三錢

血瘀能化之。則所以生之也。產後多用。

止衄散

生地 五錢

白芍 三錢

黃芪 三錢

赤苓 三錢

當歸 三錢

阿膠 二錢

生地涼血。當歸和血。白芍降血。阿膠秉阿水潛行地中之性。能潛伏血脈。此最易見者也。妙在黃芪運氣攝血。則血不外泄。赤苓滲水利氣。則引血下行。但黃芪一味。氣虛者得之。則鼓動充滿。而血得所統矣。設氣實者得之。以水濟水。以塗附塗。

氣益橫決愈逼血妄行矣此用方者所以貴有加減

生地黄散

生地 五錢

川芎 錢半

黃芩 三錢

側柏葉 三錢

桔梗 二錢

梔子 二錢

蒲黃 三錢

阿膠 二錢

白茅根 三錢

丹皮 三錢

白芍 三錢

甘草 錢半

童便 一杯

萊菔汁 一杯

此方以治肝為主。以肝主血故也。而亦兼用心肺之藥者。以心主火。治火必先治心。肺主氣。降氣必先清肺。為涼血止血之通劑。方義雖淺而易效。

地骨皮散

生地黄 三錢

當歸 三錢

川芎 一錢

白芍 三錢

牡丹皮 三錢

地骨皮 三錢

柯韻伯曰。陰虛者陽湊之。故熱。仲景言。陰弱則發熱。陽氣陷入陰中。必發熱。然當分三陰而治之。陽邪陷入太陰脾部。當補中益氣湯。以升舉之。清陽復位。而火自熄也。若陷入少陰腎部。當六味地黃丸。以對待之。壯水之主。而火自平也。陷入厥

陰肝部。當地骨皮飲以涼補之。血有所藏而火自安也。四物湯為肝家滋陰調血之劑。加地骨皮清志中之火以安腎。補其母也。加牡丹皮清神中之火以涼心。瀉其子也。二皮涼而不潤。但清肝火不傷脾胃。與四物加知柏之苦寒者不同。故逍遙散治肝火之鬱於本臟者也。木鬱達之順其性也。地骨皮飲治陽邪之陷於肝藏者也。客者除之勿縱寇以遺患也。二者皆肝家得力之劑。

歸脾湯

白朮 三錢

黃芪 三錢

茯神 三錢

人參 三錢

遠志 一錢

木香 一錢

棗仁 二錢

龍眼 三枚
去壳

當歸 四錢

炙草 二錢

回龍湯

每自己小便。每去頭尾。接用一碗。乘服。化血清火。自還神化。為血證妙藥。與秋石不同。萬勿服秋石。

成都唐宗海容川氏著

玉女煎

熟地五錢 石膏三錢 知母三錢 麥冬三錢 牛膝三錢

陳修園力闢此方之謬。然修園之所以短於血證者。即此可見。夫血之總司在於胞室。而胞宮衝脈上屬陽明。平人則陽明中宮化汁變血。隨衝脈下輸胞室。吐血之人。胞宮火動。氣逆上合陽明。血隨而溢。欬嗽不休。多是衝陽上合陽明。而成此亢逆之證。方用石膏冬母。以清陽明之熱。用牛膝以折上逆之氣。熟地以滋胞宮之陰。使陽明之燥平。衝脈之氣息。亢逆之證乃愈矣。景岳制此方。曾未見及於此。修園又加粳米。而王士雄以為可治陰虛胃火齒痛之證。皆不知此方之關衝脈。有如是之切妙也。麥門冬湯治衝逆。是降痰之劑。此方治衝逆。是降火之劑。

聖愈湯

即四物湯加黃芪人參。

血證論 卷八 方解下

參蘇飲

人參五錢 蘇木四錢

治吐血產後跌打損傷瘀血干肺。鼻起烟煤。面目茄色。蓋謂肺金氣足。則制節下行。血不獨不能犯肺臟。而亦不能犯肺之氣分也。今不獨干犯氣分。瘀血上行。並真犯肺臟。血者肝木所司。金氣將絕。木乃敢侮之。肺氣已敝。血乃得乘之。方取蘇木秉肝木之氣。色赤味鹹。以破血。是治肝以去肺之賊。而急用人參生津調肺。以補氣。使肺氣一旺。則制節自行。而血不得犯之矣。

參附湯

人參一兩 附子八錢

人之元氣。生於腎而出於肺。肺陰不能制節。腎陽不能歸根。則為喘脫之證。用附子入腎以補陽氣之根。用人參入肺以濟出氣之主。二藥相濟。大補元氣。氣為水之陽。水即氣之陰。人參是補氣之陰。附子是補水之陽。知此則知一切補氣之法。通脾泄胃湯。

炒梔子三錢 石膏三錢 羌蔚三錢

此方乃通治眼目外障之方。借治目翳亦宜。方取諸品清熱瀉火。使火不上薰。則自疾自除。而防風一味。獨以去風者治火。火動風生。去風則火勢自熄。羌蔚一味。又以利濕者清熱。濕蒸熱遏。利濕則熱氣自消。

通竅活血湯

赤芍三錢 川芎一錢 桃仁三錢 紅花一錢 老葱三錢

生薑三片 大棗三枚 麝香少許 黃酒一杯

大棗薑蔥散達升騰。使行血之品。達於顛頂。徹於皮膚。而射香一味。尤無所不到。以治顛頂胸背。皮膚孔竅中瘀血。誠有可取。王清任醫林改錯。論多粗舛。而觀其一生所長。只善醫瘀血。此湯亦從小調經套來。故可採。

防風通聖散

大黃錢半 芒硝三錢 防風三錢 荆芥二錢 麻黃一錢 炒梔子三錢

白芍三錢 連翹一錢 川芎一錢 當歸三錢 甘草一錢 桔梗二錢

石膏三錢 滑石三錢 薄荷一錢 黃芩三錢 白朮三錢

吳鶴臯曰。防風麻黃解表藥也。風熱之在皮膚者。得之由汗而泄。荆芥薄荷清上藥也。風熱之在顛頂者。得之由鼻而泄。大黃芒硝通利藥也。風熱之在腸胃者。得之由後而泄。滑石梔子水道藥也。風熱之在決瀆者。得之由溺而泄。風注於膈。肺胃受邪。石膏桔梗清肺胃藥也。而連翹黃芩。又所以祛諸經之遊火。風之為患。肝木主之。川芎歸芍和肝血也。而甘草白朮。所以和胃氣而健脾。此方除硝黃名雙解散。謂表裏兩解。衛營俱和也。本方名通聖散。極言功用之妙耳。余按此方。治表裏實熱。外無汗。內便堅之症。無論何證。通治一切。亦不但治中風也。

千金葦莖湯

葦莖五錢 苡仁三錢 桃仁三錢 瓜瓣即冬瓜仁三錢

瓜蒂散

甜瓜蒂三錢 赤小豆三錢

為末香豉湯下。上二方皆取破泄宣吐虛人量服。

白散方

川貝母三錢 巴豆炒黑一錢 桔梗三錢

共為末服一字。在膈上則吐。在膈下則瀉。不瀉進熱粥。瀉不止進冷粥。

人參清肺湯

人參三錢 阿膠二錢 地骨皮三錢 知母三錢 烏梅三枚

甘草一錢 大棗三枚 桑白皮三錢 粟壳一錢 杏仁三錢

治肺虛欬嗽喘急吐血下血等症。方取人參草大棗補土生金。以保定其肺。阿膠知母佐其滋潤。骨皮桑皮瀉其火熱。肺為司氣之藏。肺中清潤則氣自下降。而得其斂藏之性。痰血不得干之也。再用杏仁以利之。烏梅粟壳以收之。總使肺得其制。斯無諸病矣。此與太平丸保和湯紫苑散人參瀉肺清燥救肺諸湯相為表裏。用者可以推類盡致。

甯肺桔梗湯

桔梗二錢 貝母三錢 當歸三錢 瓜蒞霜三錢 黃芪四錢 枳殼一錢

甘草一錢 防己二錢 百合三錢 桑白皮三錢 苡仁三錢 知母三錢

五味子一錢 地骨皮三錢 杏仁三錢 葶藶子二錢 生薑三錢

治肺癆無論已潰未潰及肺脹等症補瀉兼行使痰火血氣膿水俱從下泄而肺以安甯。

丹皮湯

丹皮三錢 瓜蒞三錢 桃仁三錢 朴硝二錢 大黃一錢

內癘乃熱毒結血而成毒去其血熱亦隨去瓜蒞以解氣結桃仁丹皮以破血結硝黃兼下氣血之結結除而癘自去矣。

赤豆薏苡湯

赤豆芽三錢 苡仁三錢 防己二錢 甘草一錢

膿者血化為水也故排膿之法總不外破血利水赤豆芽入血分以疏利之助其腐化苡仁防己即從水分排逐其膿甘草調數藥使得各奏其效此為治癘膿大

法門方能盡載從此可以類推

人參固本湯

人參三錢 熟地三錢 生地三錢 白芍三錢 天冬三錢

五味五分 知母二錢 陳皮三錢 麥冬三錢 炙草一錢

此方滋養肺胃兼輸腎水名曰固本謂胃為肺之本肺為腎之本而腎又為生氣之本三臟互相灌溉則根本固而虛熱清蒸熱效喘回食諸症自然不生

當歸六黃湯

生地五錢 熟地三錢 黃連二錢 黃芩三錢 黃柏二錢

黃芪五錢 當歸三錢

陳修園曰陰虛火擾之汗得當歸地黃之滋陰又得黃連黃芩之瀉火則蒸汗之本治矣此方之妙全在苦寒寒能勝熱而苦復能堅之又恐過於苦寒傷其中氣中者陰之守也陰虛則火愈動火愈動則汗愈出尤妙在大苦大寒隊中倍加黃芪領苦寒之性盡達於表以堅汗孔不使留中為害謹按修園此論皆是惟言黃

芪領苦寒之性。盡達於表。不使留中為害。則差毫釐。盡藥之救病。原於偏寒偏熱。治偏寒偏熱之病。自必用偏寒偏熱之藥。此方大治內熱。豈寒涼之藥。能盡走皮膚。而不留中者乎。况黃芪是由中以托外之物。非若麻黃直透皮毛。而不留中也。吾謂內熱而蒸為汗者。此為對症。如果外熱而內不利寒涼藥者。則歸脾湯。當歸補血湯。加減可也。

涼血地黃湯

生地四錢 當歸三錢 甘草錢半 黃連二錢 炒梔子一錢

元參三錢 黃芩二錢

此方純是涼心。血者。心之所生。涼心即是涼血。

田螺搥子

田螺三枚 冰片五分 白砒五分 礮砂一錢

搗和米糊為搥子。能化腐去瘀。肉枯血瘕。用處少。

仙方活命飲

穿山甲 三片 皂莢刺 一錢 當歸尾 二錢 草節 一錢 乳香 二錢

金銀花 二錢 赤芍藥 二錢 天花粉 二錢 沒藥 二錢 防風 三錢

貝母 二錢 白芷 二錢 陳皮 二錢 黃酒 少許

此方純用行血之藥。加防風白芷使達於膚表。加山甲皂莢使透乎經脈。然血無氣不行。故以陳皮尖見。散利其氣。血因火而結。故以銀花花粉。清解其火。為瘡症散腫之第一方。誠能窺及瘡由血結之所以然。其真方也。第其方乃平劑。再視瘡之陰陽。加寒熱之品。無不應手取效。

托裡消毒散

皂莢刺 二錢 甘草 二錢 桔梗 二錢 白芷 三錢 川芎 一錢 黃芪 三錢

金銀花 三錢 當歸 三錢 白芍 三錢 白朮 三錢 人參 三錢 雲苓 三錢

瘡之結腫。血凝也。瘡之潰膿。血化為水也。夫血與毒結而不散。故凝凝則氣阻而為痛。欲去其凝。仍是以氣制之。使氣與血戰。以陽蒸陰。則陰血從陽化而為水。水即氣也。氣化則為水。此化膿之說也。是方四君黃芪大補中氣。而以解毒和血之

品。佐其變化。為助氣戰血之大劑。本此意以加減進退。則得之矣。

麥冬養榮湯

人參三錢 麥冬三錢 五味一錢 當歸三錢 白芍三錢

生地三錢 知母二錢 陳皮三錢 黃芪三錢 甘草一錢

壯火食氣。則氣熱而血失所養。故用麥冬。知母以清火。火清氣平。則陽不乘陰。血於是安。故亦名養榮。人參養榮湯。所以用遠志。桂尖者。助心火以化血。此湯所以用知母。寸冬者。清胃火以甯血也。

大楓丹

大楓子肉三錢 土硫黃二錢 枯凡一錢 明雄二錢

共為末。過燈油。調搽。麻。瘡。各瘡。

黎洞丸

三七一錢 大黃一錢 阿魏一錢 兒茶一錢 竹黃一錢

血竭三錢 乳香三錢 沒藥三錢 雄黃二錢 羊血二錢

冰片少許 麝香少許 牛黃三分 滕黃二分

消瘀定痛降氣止血各藥氣味形質皆精氣所結非尋常草木可比故能建大功
當歸地黃湯

當歸五錢 熟地四錢 川芎一錢 白芍三錢 防風三錢

白芷三錢 蒿本二錢 細辛五分

治風先治血血行風自滅無論熱風寒風風總屬陽天地之噫氣常以肅殺而為
心犯人血分則為痛為腫為強硬血行則風在血分者隨之而行故治風先治血
也方取四物湯補血以為去邪之本而加祛風之藥以令邪外出法淺而易效頭
目頂脊諸風可以治之

防風芎歸湯

生地五錢 當歸三錢 川芎一錢 甘草一錢 防風三錢

補血祛風藥無多而義易見加減得宜尤效

化腐生肌散

兒茶一錢 乳香二錢 沒藥二錢 血結二錢 三七一錢

冰片少許 麝香少許

去瘀血即是化腐之法。乾水即是提膿之法。活血即是生肌之法。方主化腐去瘀。欲提膿者加枯礬龍骨。欲生肌者加珍珠人參。識透立方之意。則加減可以隨人。

烏梅丸

黃柏二錢 黃連八錢 桂枝二錢 附子二錢 細辛二錢

當歸二錢 花椒二錢 人參二錢 烏梅十枚 乾姜三錢

共為末。蜜搗千椎為丸。米飲下。溫肝斂木。化蟲止利。真神方也。

橘核丸

橘核三錢 吳萸二錢 香附三錢 棟子三錢 查核三錢

荔枝三錢 小茴二錢

共為細末。寒食麵為丸。淡鹽湯送下。治小腹痛結氣等證。

當歸導滯湯

大黃一錢 當歸三錢 麝香少許 丹皮三錢 桃仁三錢

紅花一錢 白芍三錢 乳香三錢 沒藥三錢 生地三錢

桂枝三錢 柴胡二錢 黃芩三錢 枳殼一錢 甘草一錢

跌打損傷。內外瘀血。以此湯行之。此通竅活血。桃仁承氣。小柴胡。小調經諸湯之義。參看自明。不須贅說。

十味參蘇飲

人參三錢 紫蘇三錢 半夏三錢 雲苓三錢 陳皮二錢 桔梗二錢

前胡二錢 葛根二錢 枳殼一錢 甘草一錢 生薑三片

肺之氣生於胃。故用甘草人參。補胃生津。以益肺。肺氣旺。則能上行。外達。內輸。下降。而不鬱矣。故凡治肺之方。類以人參為主。然能補津生氣。而不能治氣之鬱也。風寒外束。則氣蘊於內。不能上行外達。故用紫蘇前胡。粉葛生薑。以發散之。痰飲內停。則氣逆於上。不能內輸下降。故用夏苓桔枳陳皮。以滲降之。合計此方。乃疏散風寒。降利痰水之平劑。而效血衄血氣喘之症。及跌打血蘊氣分。皆借用之。亦

血 論 卷八
借疏利之功。使鬱滯去。而血自不遏。

玉燭散

生地 五錢
當歸 三錢
川芎 二錢
白芍 三錢
朴硝 二錢

大黃 一錢
生薑 三片

治跌打瘀血。發渴身痛便閉。取四物以補調其血。而朴硝大黃。逐瘀去閉。妙在生薑一味。宣散其氣。使硝黃之性。不徒直下。而亦能橫達。俾在外在內之瘀。一并廓清。

竹葉石膏湯

淡竹葉 五錢
石膏 五錢
人參 二錢
甘草 一錢
麥冬 三錢
半夏 二錢
生薑 三片
粳米 四錢

口之所以發渴者。胃中之火熱不降。津液不升故也。方取竹葉石膏麥冬。以清熱。人參甘草粳米。以生津。妙在半夏之降逆。俾熱氣隨之而伏。妙在生薑之升散。俾津液隨之而布。此二藥。在口渴者。本屬忌藥。而在此方中。則轉能止渴。非二藥之

功乃善用二藥之功也

黃土湯

灶心土 三錢 甘草 一錢 白朮 三錢 熟地 三錢 黃芩 二錢

阿膠 二錢 附子 錢半

血者脾之所統也。先便後血，乃脾氣不攝，故便行氣下泄，而血因隨之以下。方用灶土草木建補脾土，以為攝血之本。氣陷則陽陷，故用附子以振其陽。血傷則陰虛火動，故用黃芩以清火。而阿膠熟地，又滋其既虛之血。合計此方，乃滋補氣血而兼用溫清之品以和之。為下血崩中之總方。古皆目為聖方，不敢加減。吾謂聖師立法，指示法門，實則變化隨宜。故此方熱症可去附子，再加清藥。寒症可去黃芩，再加溫藥。

赤豆當歸散

赤豆芽 三錢 當歸 三錢

此治先血後便，即今所謂臟毒與痔瘡相似，故用當歸以活血，用赤豆色赤入血。

分發芽則能疏利血中之結。使血解散。則不聚結。肛門赤豆芽。又能化血成膿。皆取其疏利之功。瘡膿故多用之。俱用漿水服。

解毒湯

大黃一錢 黃連三錢 黃芩三錢 黃柏二錢 梔子炒三錢

赤芍二錢 枳壳一錢 連翹一錢 防風三錢 甘草一錢

解毒者。謂解除臟毒也。臟毒由火迫結在肛門。故用泄火之藥極多。其用白芍者。兼行其血。血行則火無所着。用枳壳者。兼行其氣。氣行則火自不聚。而火勢之熾。每扶風威。故以防風去風以熄火。且防風上行外達。使火升散。則不迫結肛門。此即仲景白頭翁湯之意。

清胃散

生地三錢 當歸三錢 丹皮三錢 黃連二錢 升麻一錢 甘草一錢

方治臟毒。義取清火。而升麻一味。以升散為解除之法。使不下迫。且欲轉下注之熱。使逆挽而上。不復下注。目疾口舌之風火。亦可借其清火升散以解。升麻與葛

根黃芩湯相仿。

槐角丸

槐角三錢 地榆二錢 黃連一錢 黃芩三錢 黃柏三錢

生地三錢 當歸三錢 川芎一錢 防風二錢 荊芥二錢

側柏二錢 枳殼二錢 烏梅三枚 生薑一錢

世謂腸風下血。問腸何以有風。則以外風由肺傷入大腸。內風由肝煽動血分。方用清火和血之藥。亦係通治血病之泛法。惟防風生薑。以祛外來之風。烏梅荊芥。以治內動之風。為腸風立法。本於仲景白頭翁及葛根諸湯之意。

葛根黃連黃芩湯

葛根三錢 黃連二錢 黃芩三錢 甘草一錢

治協熱下利便血等症。用芩連以清熱。用葛根升散。使下陷之邪。仍達於上。出於表。則不迫協於下矣。喻嘉言治痢。心得逆流挽舟之法。仲景此湯。實該其意。能從此變化。而治痢思過半矣。

龍膽瀉肝湯

木通一錢 澤瀉二錢 柴胡二錢 車前子三錢 生地黃三錢

甘草錢半 當歸三錢 黃芩三錢 炒梔子二錢 龍膽草二錢

瀉青丸

龍膽草三錢 大黃一錢 川芎一錢 當歸三錢 羌活二錢

炒梔子二錢 防風二錢 竹葉一錢

濟生烏梅丸

僵蠶三錢 烏梅五枚 醋丸

臍連丸

熟地五錢 山萸三錢 山藥三錢 雲苓三錢 澤瀉三錢

丹皮三錢 黃連二錢

入猪大臍腸內。同糯米蒸熟。去米。搗腸與藥為丸。淡鹽湯下。

斷紅丸

鹿茸三錢 附子二錢 當歸五錢 續斷三錢 黃芪五錢

阿膠三錢 側柏葉三錢 醋丸

地榆散

地榆三錢 當歸四錢 白芍三錢 黃芩三錢 黃連錢半

炒梔子二錢 犀角一錢 薤白二錢

地榆治下血。薤白治後重。逼脹。餘藥乃涼血常品。

四逆散

川柴胡三錢 枳殼二錢 白芍三錢 甘草錢半

四肢厥冷。謂之四逆。仲景四逆湯。皆用溫藥。乃以熱治寒之正法。至四逆散。則純用清疏平和之品。亦能治四肢厥冷者。何也。蓋虛寒固有四逆症。亦有熱遏於內。不得四達。而亦四逆者。實熱內伏。熱深厥亦深。非芩連大黃不克。虛熱內伏。非玉燭散玉女煎不退。若是腠理不和。遏其陽氣。則但用四逆散。枳殼甘草。解中土之鬱。而白芍以調其內。柴胡以達於外。斯氣暢而四肢通。自不冷厥矣。此湯與小柴

胡轉輸外達相似。又疏平肝氣和降胃氣之通劑。借用處尤多。

五苓散

白朮 三錢 雲苓 三錢 猪苓 三錢 澤瀉 三錢 桂枝 三錢

仲景此方治胸滿發熱渴欲飲水小便不利而用桂枝入心以化胸前之水結餘皆脾胃中洲之藥使中上之水得通於下則小便利散於上則口渴除達於外則身熱解今遇小便不利便用五苓散雖取桂入膀胱化氣然桂實心肝之藥火交於水乃借治法不似附子白朮本係膀胱正藥也且陰水可用而陽水絕不可用平胃散胃苓湯即此合五苓散也。

厚朴 二錢 陳皮 二錢 蒼朮 三錢 甘草 錢半

石蓮湯

人參 錢半 黃芩 三錢 黃連 二錢 石蓮 三錢

即蓮米有黑壳者

胃火甚則拒格不納食用芩連以清火用人參石蓮以補胃故治噤口不食。

大清涼散

木通一錢 澤蘭二錢 車前子三錢 甘草梢一錢 白殭蠶三錢 金銀花二錢
蟬蛻五錢 全蝎一錢 川黃連二錢 炒梔子三錢 五味子五錢 龍膽草二錢
當歸三錢 生地三錢 天門冬三錢 麥門冬三錢 牡丹皮三錢 黃芩三錢
知母三錢 黃酒三錢 蜂蜜三錢 童便一杯 澤瀉三錢
諸藥清熱利水。使瘟毒伏熱。從小便去。妙三蟲引藥及酒達於外。使外邪俱豁然
而解。是徹內徹外之方。

左歸飲

熟地八錢 山藥三錢 枸杞三錢 甘草錢半 茯苓四錢 山黃三錢

難經謂左腎屬水。右腎屬火。景岳此方。取其滋腎水。故名左歸。方取棗皮酸以入
肝。使子不盜母之氣。枸杞赤以入心。使火不為水之仇。使熟地一味。滋腎之水陰。
使茯苓一味。利腎之水質。有形之水質不去。無形之水陰。亦不生也。然腎水實仰
給於胃。故用甘草山藥。從中宮以輸水於腎。景岳方多駁雜。而此赫可厚非。

血府逐瘀湯

當歸三錢 生地三錢 桃仁三錢 紅花一錢 枳殼一錢 赤芍三錢

柴胡二錢 桔梗二錢 川芎一錢 牛膝二錢 甘草一錢

王清任著醫林改錯論多粗舛。惟治瘀血最長。所立三方。乃治瘀活套方也。一書中惟此湯歌訣。血化下行不作癆。頗有見識。凡癆所由成。多是瘀血為害。吾於血症諸門言之甚詳。並採此語以為印證。

膈下逐瘀湯

五靈脂三錢 當歸三錢 川芎一錢 桃仁三錢 赤芍二錢 烏藥二錢

牡丹皮三錢 元胡二錢 甘草一錢 香附三錢 紅花一錢 枳殼一錢

王清任立。即當芎失笑散意。治中下焦瘀血可用。王清任極言瘀血之證最詳。而所用藥則仍淺近。然亦有可用云。

土瓜根湯

桂枝三錢 白芍 土瓜根 廔蟲

大黃甘遂湯

大黃二錢 甘遂一錢 阿膠三錢

大黃下血。甘遂下水。君阿膠滋水與血以補之。瀉不傷正。水血交結者。須本此法治之。

代抵當湯

大黃酒炒一錢

莪朮一錢

山甲珠三片 紅花一錢

桃仁三錢

丹皮三錢

當歸三錢

牛膝二錢

夜明砂三錢

山甲攻血。夜明砂。是蚊被蝙蝠食後所化之糞。蚊食人血。蝙蝠食蚊。故糞能去血。噉死血。餘藥破下。務使瘀血不留。

化滯丸

巴豆去油一錢

三棱二錢

莪朮二錢

青皮一錢

陳皮一錢

黃連三錢

半夏三錢

木香二錢

丁香一錢

蜜丸。攻一切寒熱氣滯之積。

大黃廬虫丸

血證論

卷八

方解下

十二

大黃一錢 黃芩二錢 甘草一錢 桃仁三錢 杏仁三錢 白芍二錢

乾漆一錢 蝨蟲一錢 水蛭三根 麝蟲二錢 蟾蜍二錢 地黃二錢

蜜丸酒服。治乾血癆。舊血不去。則新血斷不能生。乾血癆。人皆知其極虛。而不知其補虛。正是助病。非治病也。必去其乾血。而後新血得生。乃望回春。乾血與尋常瘀血不同。瘀血尚可以氣行之。乾血與氣相隔。故用啗血諸蟲以蝕之。

金蟾丸

乾蝦蟆三錢 胡黃連二錢 鶴蝨二錢 雷丸二錢 蘆薈二錢

肉豆蔻二錢 苦棟根二錢 蕪荑二錢 雄黃二錢

治小兒疳虫。男子濕熱所生之癆蟲。以此殺之。夫癆蟲有二。血化之蟲。靈怪難治。必用鼈甲。鰻魚。獺。降。百部。射香。諸靈藥。而再加和血之品。以除其根。乃能克之。濕熱之蟲。蠹而易治。用此方。即仿烏梅丸之意。而妙在乾蝦蟆。雄黃。亦靈藥。故治蟲

最效。

白頭翁湯

清風火平肝治痢

移尸滅怪湯

白頭翁三錢 甘草二錢 阿膠三錢 青皮三錢 黃連三錢 黃柏三錢

山萸肉三錢 人參三錢 當歸三錢 蝨蟲一錢 水蛭一錢

晚蠶沙三錢 乳香三錢

蜜丸日服三次共重一兩七日而傳尸之蟲滅迹夫癘蟲者瘀血所化也死而傳染家人亦染於血分聚血為巢生子蝕血故蝨蟲水蛭下血即能下蟲此乃治蟲之根而蠶沙乳香棗皮又以味殺之人參當歸則助正氣以祛邪為攻補兼施之法辨症奇聞論皆循末忘本惟此丸能知血化為蟲之所以然而其自註却未能及此毋亦象罔乃得元珠哉

紫參湯

紫參三兩 甘草八錢

先煮紫參後入甘草溫服

當歸四逆湯

當歸三錢

白芍三錢

桂枝二錢

細辛一錢

生薑三錢

大棗四枚

木通一錢

治手足痺痛寒冷。

抵當湯

大黃二錢

桃仁三錢

蟅蟲三錢

水蛭三根

琥珀散

琥珀一錢

三棱一錢

莪朮一錢

丹皮二錢

官桂一錢

延胡索一錢

烏藥一錢

當歸三錢

赤芍三錢

生地三錢

劉寄奴三錢

方主行氣下血。使經通而石瘕去。

葉氏養胃湯

麥冬三錢

扁豆三錢

玉竹三錢

甘草一錢

沙參三錢

桑葉三錢

清平甘潤滋養胃陰。在甘露飲救肺湯之間。

麻仁三錢 白芍三錢 大黃一錢 枳殼一錢 厚朴二錢 杏仁三錢

為末蜜丸潤利大便

三物湯

厚朴二錢 枳殼一錢 大黃一錢

附子湯

附子五錢炮 人參三錢 白朮三錢 雲苓三錢 白芍三錢

此仲景溫腎之主劑。附子色黑大溫能補腎中之陽。腎陽者水中之陽。泄水之陽者木也。故用白芍以平之。封水之陽者土也。故用白朮以填之。水中之陽。恐水邪泛溢則陽越。茯苓利水。俾陽不因水而泛。陽斯秘矣。水中之陽。若無水津以養之。則陽不得其宅。故用人參以生水津。使養陽氣。陽得所養。陽斯冲矣。六味左歸補腎陰以養氣之法。都氣丸所以得名也。附子湯腎氣丸補腎陽以生氣化氣之法。

梔子豆豉湯

梔子五錢 淡豆豉五錢 服後得吐為快

甘麥大棗湯

大棗五枚 甘草三錢 小麥五錢

三藥平和。養胃生津化血。津水血液下達子臟。則臟不燥。而悲傷太息諸證自去。此與麥門冬湯滋胃陰以達胞室之法相似。亦與婦人乳少催乳之法相似。乳多即是化血之本。知催乳法。則知此湯生津潤燥之法。

桃奴散

肉桂一錢 五靈脂三錢 香附子三錢 砂仁一錢 桃仁三錢

延胡索三錢 桃奴三錢 雄鼠屎一錢

三一承氣湯

芒硝三錢 大黃二錢 枳殼錢半 厚朴二錢 甘草一錢

攻下火結之通劑。

都氣丸

熟地 五錢
山藥 三錢
雲苓 三錢
丹皮 三錢
山萸肉 三錢

澤瀉 三錢
五味子 一錢

人身呼吸之氣。司於肺而實根於腎。此氣乃腎中一點真陽。而深賴腎中之水陰充足。涵陽氣而潛藏於下。故氣出口鼻。則有津液。氣着於物。則如露水。以氣從水中出。水氣足。故氣亦帶水陰而出。其納入於腎也。有水封之。而氣靜秘。故腎水足者。其氣細。龍能蟄。龜能息。世傳仙術。有五龍蟄。有龜息。皆是斂氣之法。即皆是保養腎水之法。氣者水之所化。吾故有氣即是水之論。此丸用六味地黃湯。補水以保其氣。利水以化其氣。加五味收斂。以涵蓄其氣。則氣自歸元。而不浮喘。名曰都氣。謂為氣之總持也。腎氣丸為陽不足者立法。此丸為陰不足者立法。而皆以氣得名。蓋一是補陽以化氣。一是補陰以配氣。

補中益氣湯

黃芪 三錢
人參 三錢
炙草 一錢
白朮 三錢
當歸 三錢

陳皮 一錢
升麻 一錢
柴胡 二錢
生薑 三錢
大棗 三枚

柯韻伯曰。陽氣下陷陰中。穀氣不盛。表症頗同外感。用補中之劑。得發表之品。而中益安。用益氣之劑。賴清氣之品。而氣益倍。此用藥相須之妙也。是方也。用以補脾。使地道卑而上行。亦可以補心肺。損其肺者。益其氣。損其心者。調其營衛也。亦可以補肝。木鬱則達之也。惟不宜於腎。陰虛於下。不宜升。陽虛於下者。更不宜升也。

清燥養榮湯

知母三錢

花粉三錢

當歸三錢

白芍三錢

生地三錢

陳皮二錢

甘草一錢

燈心一錢

大魂湯

甘草二錢

桂枝三錢

茯苓三錢

乾薑一錢

人參三錢

附子二錢

火為陽。而陽生於肝脾。脾陷而肝木不生。溫氣頹敗。則陽無生化之原。此方補之。

豁痰丸

當歸三錢

知母二錢

天花粉三錢

白前根三錢

麥冬三錢

枳殼一錢 杏仁三錢 瓜蒞霜三錢 荆竹瀝三錢 桔梗二錢

麝干三錢 雲苓三錢 石斛三錢 甘草一錢

輕清潤降。為治痰妙法。

燒襠散

取近陰處襠襠方寸許。燒灰存性為末。開水送下。女病取男。男病取女。以陰頭微腫則愈。治陰陽易反。男女相傳各病。

三才湯

天冬五錢 人參三錢 地黃五錢

清化湯并降散

殭蠶三錢 蟬蛻七個 薑黃二錢 大黃一錢 金銀花一錢 白芍二錢

澤蘭二錢 陳皮一錢 元參三錢 膽草二錢 黃芩二錢 當歸三錢

黃連錢半 梔子二錢 生地三錢 柴胡二錢 甘草一錢

前四味名并降散。去薑黃大黃。名清化湯。均用白蜜陳酒沖服。凡瘟疫裡熱等症。

立 證 論 卷八
用此湯去伏熱清邪毒生津養血。

玉泉散

天花粉三錢 粉葛根三錢 麥門冬三錢 生地黃四錢 五味子五分 甘草錢半
方取甘寒滋潤生胃津以止渴妙葛根升達使水津上布。

清心飲

當歸三錢 生地三錢 白芍二錢 蓮心三錢 連翹心一錢 茯神二錢
棗仁三錢 草節一錢 麥冬三錢 川貝母一錢 竹葉心一錢 龍骨三錢
心血虛有痰火不卧寐用此藥清補之最妙。

地黃飲

安桂五分 附子一錢 茯苓二錢 茯苓三錢 地黃三錢
麥冬三錢 五味五分 遠志一錢 菖蒲一錢 棗皮三錢

巴戟三錢 石斛三錢 薄荷一錢

勿久煎即取服之。

黃連二錢 黃芩二錢 白芍三錢 阿膠三錢 雞子黃二枚

煎成待溫入雞子黃攪勻服治心煩不寐大清心火生心中之陰液以安神仲景之大劑也。

仁熟散

柏子仁三錢 熟地四錢 枸杞三錢 五味子一錢 山萸肉三錢

桂心二錢 人參三錢 茯神三錢 菊花一錢 枳壳一錢

酒服治肝膽虛恐畏不敢獨卧並補心以實其子則肝膽益旺而菊花散風以解之枳壳和胃以安之又是閒中一子。

清瘟敗毒散

石膏八錢 知母三錢 生地五錢 犀角一錢 黃連三錢

梔子三錢 桔梗三錢 黃芩三錢 赤芍三錢 元參三錢

連翹二錢 丹皮三錢 甘草一錢 竹葉三錢

酸棗仁湯

棗仁四錢 甘草一錢 知母三錢 茯苓五錢 川芎一錢

清火和血安神。則能寐矣。

甘草瀉心湯

甘草二錢 黃芩三錢 人參三錢 乾薑二錢 半夏三錢

黃連三錢 大棗三枚

胃虛不能調治上下。水寒上逆。火熱不得下降。結而為痞。用薑半以折水。用苓連以清火。而參棗甘草。以從中和之。

生薑瀉心湯

生薑三錢 半夏三錢 甘草二錢 人參三錢 黃芩二錢

乾薑二錢 黃連三錢 大棗三枚

桂苓甘草五味湯

桂枝三錢 茯苓四錢 五味一錢 甘草二錢

小結胸湯

黃連 三錢 半夏 三錢 瓜蒌 八錢

大陷胸湯

大黃 二錢 芒硝 二錢 甘遂 一錢

左金丸

吳茱萸 一錢 川黃連 六錢

病左脇痛。及嘔酸苦者。肝火也以金平木。清火生金。其理至妙。

草薺分清飲

草薺 二錢 草梢 三錢 烏藥 二錢 益智 一錢 清鹽 少許

地魄湯

甘草 一錢 半夏 三錢 麥冬 三錢 芍藥 三錢 五味子 一錢

元參 三錢 牡礪 三錢

清君相之火。降肺胃之逆。益水斂神。而生津。此補陰法也。

葛根湯

葛根三錢 麻黃一錢 白芍三錢 桂枝二錢 甘草一錢

大棗三枚 生薑三片

風寒中太陽經背項痛發瘕者皆以此湯為主。蓋麻桂為太陽發表之通劑。加葛根則能理太陽筋脈之邪。

大秦芎湯

生地三錢 熟地三錢 川芎一錢 當歸三錢 白芍三錢

白朮三錢 雲苓三錢 甘草一錢 秦芎二錢 羌活二錢

獨活錢半 防風三錢 白芷二錢 細辛五分 黃芩三錢

越鞠丸

蒼朮三錢 香附三錢 川芎二錢 神麴三錢 炒梔子三錢

十棗湯

大戟一錢 芫花一錢 甘遂一錢 大棗十枚

共為末。大棗十枚煎濃湯送下一字下水飲如神。

四神丸

故紙四錢

吳萸三錢

肉蔻三錢去油

五味一錢

各等分為末。蜜丸。治脾腎虛瀉。

金箔鎮心丹

膽南星一錢 硃砂三錢

琥珀三錢

竹黃三錢

牛黃五分

珍珠一錢

麝香少許

金箔一錢

蜜丸。金箔為衣。薄荷湯下。治癩癩驚悸怔忡。一切痰火之疾。

黃芪五物湯

即桂枝湯加黃芪。

五蒸湯

人參三錢

生地三錢

石膏三錢

知母二錢

粉葛根三錢 黃芩二錢

甘草一錢

竹葉三錢

粳米三錢

小麥三錢

赤茯苓三錢

方解下

五蒸之名。一曰骨蒸。二曰脈蒸。三曰皮蒸。四曰外蒸。五曰內蒸。統以此方治之。

益氣安神湯

當歸 三錢 茯苓 三錢 生地 三錢 麥冬 三錢 棗仁 三錢

遠志 一錢 人參 三錢 黃芪 三錢 甘草 一錢 膽南星 三分

黃連 二錢 竹葉 三錢 生薑 三片 大棗 三枚

醋黃散下瘀止血

大黃 一錢 鬱金子 一錢 降香 一錢 三七 一錢 當歸 三錢

牛膝 二錢 均用醋炒為末。酒童便沖服。

小青龍湯

桂枝 三錢 麻黃 二錢 乾薑 三錢 白芍 三錢 細辛 五分

半夏 三錢 五味 一錢 甘草 一錢

溫散寒水。外去風寒。內瀉水飲之大劑。

九氣丸通治氣不和作痛

薑黃三錢 香附四錢 甘草二錢

香蘇引發表輕劑

香附子二錢 紫蘇三錢 陳皮二錢 甘草一錢 蔥白二根 生薑三片

指迷茯苓丸

茯苓咀錢 風化硝三錢 半夏三錢 枳殼一錢

腎着湯

白朮 紅棗 甘草 附子

天靈蓋散

天靈蓋檀香水洗 酥炙三錢 檳榔二錢 阿魏一錢 麝香少許 安息香一錢

甘遂一錢 硃砂一錢

右為末。用桃枝柳枝桑根皮榴根皮葱白薤白。童便煎湯送下三錢。忍吐待下。子時服。已時當下癆蟲。更進一服除根。如瀉不止。用龍骨黃連末。白湯下以止之。白粥補之。如不用天靈蓋。以虎頭骨代之。再加鰻魚骨。是尤理得心安。

黃連解毒湯

黃連三錢 黃芩三錢 黃柏二錢 梔子三錢

通治三焦之熱。內外證加減隨宜。

五皮飲

陳皮 茯苓皮 薑皮 桑皮 大腹皮

各等分煎服。

瀉白散

地骨皮三錢 生桑皮三錢 糯米四錢

肺為火剋。以此生金。清火利水。水清火自降矣。

五淋散

山梔子三錢 車前子三錢 當歸尾三錢 甘草一錢

心遺熱於小腸。結而為淋。以此清心平肝利水。

四逆湯

乾薑三錢 附子三錢 甘草一錢

膽腎陽虛四肢逆冷下利不止以此溫之

小溫經湯

當歸三錢 白芍二錢 阿膠三錢 川芎一錢 人參三錢 丹皮三錢

麥冬三錢 半夏二錢 吳萸一錢 生薑一錢 桂枝二錢 甘草一錢

此為調經第一方。行血消瘀散寒降痰溫利而不燥烈為去瘀之妙藥。

理中湯

白朮三錢 人參三錢 乾薑二錢 甘草一錢

霍亂吐瀉腹痛中土虛寒以此溫補之

人參敗毒散

人參二錢 羌活二錢 獨活一錢 柴胡二錢 前胡二錢

枳殼一錢 桔梗二錢 川芎一錢 雲苓二錢 甘草一錢

散寒發汗兼利痰飲